

# Akinafarir Hibrun Gumamaziba Bagha Zuim O Hibru Akar faragha zuim

Judabar marazi faragha uan navibagh iragha Kraisin gin zui, egha datirighin uan nighnizir gavgavim ataghiraghasava ami. Kamaghin, akinafarir kam gumazir mam o amizir mam me bagha an osiri. E fozir pu, tinaram an osiri, akinafarimin aven gumazim o amizim uan ziam diborozir puvati. Marazi ghaze, Pol, o Barnabas, o Apolos, o Prisila, men tav ti an osiri.

Gumazir maba Kraisin gin zuir gumamaziba dikabira egha osimtiziba me ganidi. Akinafarir kam men nighnizir gavgaviba gavgavim dar aningasa, kamaghin amizi, a ingangarir ekiar God Krai Iesusin aven amizim, gun me migei. Kraisra guizbangin Godin arazim en akakasi.

Ezi akinafarir kam bizir ekiar pumuning ko mikezim migei. 1. Iesus a guizbangira Godin Otarim. Dughiar Iesus nguazimin itim, an osimtizir aviriba ko mizaziba ini. Ezi arazir kamın God Iesus gamizi, a gumamazibar akurvaghamin faragha zuir gumazimin oto. (2:10) Egha Iesus akam inigha izir gumazir fomira itiba ko enselba ko Moses gafira. 2. God uabi Iesus amisevezi a ofa gamir gumazimin iki mamaghira ikiam, egha a Judabar ofa gamir gumazibagh afira. 3. Iesus a Godin Nguibamin Ofa Gamir

Gumazibar Dapanimın iti. Egh gumazamizir niĝnizir gavgavim an itiba, a ua me iniam. Moses Osirizir Araziba, God bagha ofa gamir arazibar gun migei, da pura Iesus amizir ingangarir ekıar kamın nedaziba.

Akınafarir kam gumamazibar niĝnizir gavgavim, gavgavim dar anıngasa. Kamaghın amizi, a Israelian gumazamizir fomıra itibar niĝnizir bar gavgavimın akaba iti (sapta 11). A ghaze, marki, osımtızir manam me bato, me uan niĝnizir gavgavimın suiraghvıra iki mangıva ovengegh. Me Iesusın gan an arazibar ĝın mangı, egh osımtıziba ko mızazir me isiba batogh.

## **Jesus, a enselbagh afıra**

*(Sapta 1--2)*

*God e mıkmıasa uan akam isa uan Otarım ganıngi*

<sup>1</sup> Fomıra God dughiar avırıba ko tuavir avırıbar uan akam isa an akam inıgha izir gumazıbagh anıngizi, me en inazir afeziabav keme. <sup>2</sup> Ezi datırıghın dughiar kam, kar dughiar abuanan-aba, God e mıkmıasa uan akam isa uan Otarım ganıngi. God bıziıba bar da iniasava Otarır kam amısefe. Otarır kamın agharımın, God fomıra overıam ko nguazımın ingari. <sup>3</sup> Ezi Otarır kamra Godın angazangarım en akagha ghaze, God a bar dera. Egha uaghan a Godın mırrara gari. An

---

**1:2:** Sng 2:8, Jo 1:3, Ef 1:10    **1:2:** Onger Akaba 2:8; Jon 1:3; Efesus 1:10    **1:3:** Ap 2:33-34, 2 Ko 4:4, Kl 1:15-17, 1:20, Hi 8:1, MAA 4:11

**1:3:** Aposel 2:33-34; 2 Korin 4:4; Kolosi 1:15-17; 1:20; Hibru 8:1; Akar Mogomem 4:11

akam bar gavgafi, egha akar kamra a bar biz-ibagh amima, da gavgavighavira iti. Egha an arazir kuraba gin amadir ingangarim agivagha, gumazamizibagh amima me zuegha iti. Egha a gin Godin Nguibamin ghuavanabogha Pin Tir Atrivir Ekiamin agharir guvimin boroghin apera.

### *Godin Otarim enselbagh afira*

<sup>4</sup> Afeziam ziam uan Otarim ganingi. Ezi ziar kam a bar dera, egha enselbar zibagh afira. Kamaghin amizi, an Otarim gamizima a enselbar ekiamin oto, ezi me an apengan iti. <sup>5</sup> Egha God dughiatam uan enselin tam kamaghin a mikemezir puvati, “Ni nan Otarim, ezi datirighin ki nin Afeziamin oto.” O a kamaghin enselin tam mikemezir puvati, “Ki uabi ia inigh, eghian Afeziamin min ikiti, ia nan Otarimin min ikiam.” Bar puvati. <sup>6</sup> Egha dughiar God ua uan Otarir ivariam nguazir kam in anemangasa uaghan ghaze:

“Godin enselba bar an apengan ikiva an ziam fam.”

<sup>7</sup> God enselbagh nighnigha kamaghin migei, “A uan enselbagh amima da aminimin min otifi,

---

**1:4:** Ef 1:21, Fl 2:9-10    **1:4:** Efesus 1:21; Filipai 2:9-10    **1:5:** 2 Sml 7:14, 1 Sto 17:13, Sng 2:7, 89:26-27, Ap 13:33, Hi 5:5    **1:5:** 2 Samuel 7:14; 1 Eghaghaniba 17:13; Onger Akaba 2:7; 89:26-27; Aposel 13:33; Hibru 5:5    **1:6:** Lo 32:43, Sng 97:7, Ro 8:29, Kl 1:18, 1 Pi 3:22, MAA 1:5    **1:6:** Godin Araziba 32:43; Rom 8:29; Kolosi 1:18; 1 Pita 3:22; Akar Mogomem 1:5    **1:7:** Sng 104:4    **1:7:** Onger Akaba 104:4

egha uan ingangarir gumazibagh amima me avir mizariabar min otifi.”

<sup>8</sup> Egha Otarim ginighnigha kamaghin migei:

“Nin atrivir dabirabir God ni ganingizim,  
a zurara iki mamaghira ikiam.

Eghti ni guizin arazimin  
uan gumazamizibagh ativagh men ganam.

<sup>9</sup> Ni arazir aghuibara ifuegha, egha arazir kuraba  
bar dar aghua.

Kamagh amizi, God ni amisevegha,  
ni ziar ekiam ikiasa  
a borem nin dapanim ginge.

A kamaghin ni gamizi  
ni bar akonge,  
ezi ni bar akongezir bizir kam,  
atrivir igharaziba bar me gafira.”

<sup>10</sup> Egha God uan Otarim kamaghin a migei:

“Ekiam, ni fomira nguazir kamin ingari.  
Guizbangira, ni uabi uan dafaribar overiam  
ko bizir pin itibar ingari.

<sup>11</sup> Bizir kaba bar givagham,  
eghti ni ikivira ikiam.

Overiam ko nguazim, aning bar ikuvigham,  
mati inim ghurigha bar biaghire.

<sup>12</sup> Ni aning righam,  
mati gumazim atuim riki.

Ni aning damighti aning igharagh otogham,

---

**1:8:** Onger Akaba 45:6-7    **1:9:** Ais 61:1, Ap 4:27, 10:38    **1:9:**  
Aisaia 61:1; Aposel 4:27; 10:38    **1:10:** Onger Akaba 102:25-27  
**1:11:** Ais 34:4, Mt 24:35, 2 Pi 3:7, 3:10    **1:11:** Aisaia 34:4; 2 Pita  
3:7; 3:10

mati gumazim korotiar ghuriba suagharisi.  
 Ezi ni, kamaghira iti, ni igharagha garir puvati.  
 Nin dughiam givaghan kogham.”

<sup>13</sup> Fomira God kamaghin uan Otarimra kamaghin a mikeme, “Ni nan agharir guvimin daperagh iki mangiti, ki nin apaniba dikabiragh me isi nin dafarim datighti me nin dagarimningin apengan ikiam.” Egha God dughiatamin akar katam enselin tam mikemezir puvati. Bar puvati.

<sup>14</sup> Guizbangira enselba me duaba, egha me Godin ingangarim gami. Ezi God gumazamizir a ua iniamibar akurvaghasa me amadi, me arui.

## 2

*God en akurazir arazim,  
 a bizir bar ekiam*

<sup>1</sup> Godin Otarim ziar ekiam isi, kamaghin amizi, akar e oraghizir kamnagh, e bar mighviram an suiragham. E ireghan koghsi, e akar kam deraghvira an suiragh gavgavigh ikiam. <sup>2</sup> Fomira God en inazir afeziabav kimasa, uan akam isa enselbagh aningi, egha kamaghira tuavir kamın a kamaghin men aka, akar kam a guizbangira. Ezi gumazamiziba akar kamın gin zuir puvatigha a batoke, me ivezir kuram iniam. Men arazir kurar

---

**1:13:** Sng 110:1, Mt 22:44, Mk 12:36, Lu 20:42  
 Akaba 110:1; Matyu 22:44; Mak 12:36; Luk 20:42  
 91:11, Mt 18:10, Ap 12:7, Ro 8:17, Je 2:5, 1 Pi 3:7  
 Akaba 34:7; 91:11; Matyu 18:10; Aposel 12:7; Jems 2:5  
 68:17

**1:13:** Onger  
**1:14:** Sng 34:7,  
**1:14:** Onger  
**2:2:** Sng

me amizibar mırara, me uan ivezir kuram inis.\*  
 3 Ezi datirighin, God en akurazir arazim, a bizir bar ekiam. E akirim ragh Godin akurvazir arazim gasaraghıva, e manmaghin arazir kuramin ivezim gitagham. Bar puvatigham. Ekiam uabi faragha en akurvaghasa mikeme, ezi gumazamiziba an akam baraki. Ezi me kamaghin migia en aka, akar kamnagh a guizbangira. 4 Dughiar kamın, God mirakelin igharagha gariba ko digavir kuram gamir arazibagh amua uan ifongiamın gın ghua Godin Duamın bizir aghuiba tuiragha gumazamizibagh anidi. Ezi arazir kamın a kamaghin en aka, an Otarımın akar kam a bar guizbangira ghu.

*Iesus, a uabi en Akurvazir Gumazim*

5 E nguazir igiar God gın damighti otivamim ginighnigh fogham, God nguazir igiar kam gativasa, enselbav kemezir puvati. Bar puvati. 6 Ezi Godin Akinafarımın aven akar mam kamaghin iti:

“O God! E gumazamiziba ti manmaghiram amizir biziba, ezi ni mighigha e ginighnisi?”

---

\* **2:2:** Me Akar Dikirizir Gavgavir God Moses ganingizim migei. Ni Ua Me Ini 19-20ın gan. Ua Me Iniamın Akinafarımın akam, enselin migirigiaba puvati, ezi Judaba kamaghin nighnizir gavgavim iti, God Akar Dikirizir Gavgavim enselbar dafarımın Moses ganingi. Ia Aposel 7:38 ko 7:53, ko Galesia 3:19ın gan. **2:3:** Mt 4:17, Mk 1:14, Lu 1:2, Hi 10:28-29, 12:25 **2:3:** Matyu 4:17; Mak 1:14; Luk 1:2; Hibru 10:28-29; 12:25 **2:4:** Mk 16:20, Ap 2:22, 14:3, 1 Ko 2:4, 12:4, 12:7, 12:11, Ef 1:5, 1:9 **2:4:** Mak 16:20; Aposel 2:22; 14:3; 1 Korin 2:4; 12:4; 12:7; 12:11; Efesus 1:5; 1:9 **2:5:** Hi 6:5, 2 Pi 3:13 **2:5:** Hibru 6:5; 2 Pita 3:13 **2:6:** Jop 7:17, Sng 144:3 **2:6:** Jop 7:17; Onger Akaba 144:3 **2:6:** Onger Akaba 8:4-6

E pura biziba. Manmagħiram amizi, ni bar puviram e ginighnisi?

<sup>7</sup> Ni uabi en ingarigha, e isa enselbar apengan e ati. Ni gavgavim ko ziar ekiam isa e ganiga e afazi, bizir ni ingariziba bar en apengan iti.

<sup>8</sup> Biziba bar mogħira ni da isa e gumazamiziba en suemningin apengan da ariki. Egħti e bar dagħ ativagħam.”

Godin akar kam ghaze, God gumazamizibagh amizi, biziba bar men apengan ikiti me dagħ ativagħam. Akar kamın mingarim a kamakın, God bizir a ingariziba bar da isa en apengan da ariki. Ezi e fo, datirighin e garima, biziba bar en apengan itir puvati.† <sup>9</sup> Ezi e Iesus gifo, a ziar ekiam ini. God kamagħsua, a bar en apangkuvighiti, tuavir kamın Iesus gumazamiziba bagħ aremegħam. Egħa kamagħin bar dugħiar otevimin an enselbar apengan ike. Egħa mizazir dafam inigha areme, ezi bizir kam bagħa God ziar ekiam a ganiga a ghufe. <sup>10</sup> E fo, God a biziba bar dar mingarim, egħa a biziba bar dar ingari. Egħa kamagħin ifonge, Iesus uan borir aviriba inigh men aku Godin Nguibamin

---

**2:8:** Mt 28:18, 1 Ko 15:25-27, Ef 1:22    **2:8:** Matyu 28:18; 1 Korin 15:25-27; Efesus 1:22    † **2:8:** Akar Onger Akabar Akinafarimin aven itim, a gumazamiziba bar me migei. Ezi gumazir Hibrun Akinafarimin Osirizim, a Iesus ginighnigha ghaze, a gumazimin min otogħa gumazamiziba bar men danganim ini. Ezi kamagħin Onger Akabar Akinafarimin, a bizir guizin Iesus batozibav gei.

**2:9:** Jo 3:16, Ro 5:18, Fl 2:7-9, 1 Ti 2:6, 1 Jo 2:2, MAA 5:9    **2:9:** Jon 3:16; Rom 5:18; Filipai 2:7-9; 1 Timoti 2:6; 1 Jon 2:2; Akar Mogomem 5:9    **2:10:** Lu 24:46, Jo 20:17, Ap 3:15, Ro 8:29, 11:36, Hi 5:9, 10:10

**2:10:** Luk 24:46; Aposel 3:15; Rom 8:29; 11:36; Hibru 5:9; 10:10

mangam, eghti me Iesus ko ziar ekiam iniam. God kamaghin ifonge, Iesus gumazamizibar akurvaghamin ingangarim damuam, kamaghin amizi, a Iesus ataghizima a mizazim isi. Ezi mizazir kam Iesus gamima a gumazamizibar akurvaghamin gumazir bar faragha zuimin otogha, tuavim men aka. Arazir God a gamir kam, a bar dera.

<sup>11</sup> E fo, gumazir kam Iesus, a gumazamizibagh amizi me Godin gumazamizibar min ikia egha me bar zue. A me ko afeziar vamira iti. Kamaghin amizi, an aghumsizir puvatigha me dibora ghaze, “Nan aveghbuaba ko buaramiziba.” <sup>12</sup> Egha a kamaghin God migei:

“Ki uan adarazir tongin iki  
ninin ziamin gun me mikimam.  
Ki gumazamiziba uari akuvamin danganimin iki  
men tongin nin ziam fam.”

<sup>13</sup> Egha a ua ghaze, “Ki datirighin, God damuasa mikemezir biziba, ki puram a mizuam da bagh gan ikiti God damuasa amir biziba, a mikemezi moghin dar amuam.” Egha ua ghaze, “Ia gan, ki borir God na ganingiziba me ko iti.”‡

**2:11:** Mt 25:40, Mk 3:35, Jo 20:17, Ap 17:26,, Ro 8:29, Hi 10:10

**2:11:** Matyu 25:40; Mak 3:35; Jon 20:17; Aposel 17:26; Rom 8:29

**2:12:** Sng 22:22   **2:12:** Onger Akaba 22:22   **2:13:** Sng 18:2, Ais 12:2, Jo 17:6, 17:9-12   **2:13:** Onger Akaba 18:2; Jon 17:6; 17:9-12

‡ **2:13:** Iesusin akar kam, a Aisaia 8:17-18in ize. Gumazim o amizir Hibrun Akinafarim Osirizim, en akaghti e fogham, Iesus gumazamizir igharaziba ko magh gari, me an aveghbuaba ko an boriba. Ezi gumazamiziba God mizuaima a bizibagh ami, ezi Iesus uaghan orarti.



### *Jesus en akuraghasa gumazimin min oto*

14-15 Kamaghin amizi, borir kaba, me guizbangira inivafiziba ko ghuziba iti. Kamaghira Jesus uaghan men min ikia guizin gumazimin oto. A kamaghsua, an aremegh egh arazir kamın a Satan bar a gasighasigham, a gumazir gumamazizibagh amima me ariaghirir gavgavim itim. Gumamaziziba nguazir kamın ikiava ovevemın atiati. Ezi men atiatir kam me ikiagharisi. Kamaghin amizi, Jesus me fırsa, bizir kam bagha, a gumazimin min otogha egha areme. <sup>16</sup> Guizbangira, Jesus ingangarir kam enselbar akurvaghasa a gamizir pu. Puvati. An Abrahamın boriba akurvaghasa a gami. <sup>17</sup> Kamaghin amizi, a uan doziba ko buaramizibar miraram oto. A kamaghsua, a men Ofa Gamir Gumazibar Dapanimın iki, egh Godin akamın gin mangi apangkuvim gumamazizibar ikiva Godin ingangarim damu, egh ingangarir kamın gumamazizibar arazir kuraba gin amangam. Kamaghin a gumamazizibar min oto. <sup>18</sup> Ezi Satan a gifarasa arazir kuraba bagha a gakaghori, ezi an osimtiziba ateri. Kamaghin amizi, Satan gumamazizibagh ifaramin dughiabar, Jesus men akurvaghamin fofozim iti.

## **Jesusın ziar ekiam, a bar Mosesın ziar ekiam gafira**

**2:14-15:** Jon 1:14; 12:31; Rom 8:3; 8:15; Filipai 2:7; Kolosi 2:15; 2 Timoti 1:7; 1 Jon 3:8; Akar Mogomem 12:10      **2:16:** Ais 41:8-9

**2:16:** Aisaia 41:8-9      **2:17:** Fl 2:7, Hi 2:14, 4:15, 5:1-2, 1 Jo 2:2, 4:10      **2:17:** Filipai 2:7; Hibru 2:14; 4:15; 5:1-2; 1 Jon 2:2; 4:10

**2:18:** Hi 4:15-16, 5:2, 7:25      **2:18:** Hibru 4:15-16; 5:2; 7:25

## 3

*(Sapta 3:1--4:13)**Iesusin ziar ekiam, a Mosesin ziar ekiam gafira*

<sup>1</sup> Kamaghin amizi, Kraisin adarasi, God uaghan Uan Nguibamin mangasa, a ian dia. Ia deravira Iesus ginighnigh, e nighnizir gavgavim an ikia, egha an ziamin gun migia ghaze, a God misevegha amadazir abuir gumazim, egha uaghan Ofa Gamir Gumazibar Dapanim. <sup>2</sup> God anemisevegha ingangarir kam a ganingizi, a Godin gumazamiziba bagha ingari. Moses fomira Godin gumazamiziba bagha deravira ingarizi moghira, a ingari. <sup>3</sup> E fo, gumazir dipenimin ingarim, a ziar ekiam isi, ezi an ziar ekiam, an dipenimin ziar ekiam gafira. Ezi kamaghira God ziar ekiam Iesus ganingi, ezi an ziar ekiam, Mosesin ziar ekiam gafira. <sup>4</sup> Ezi dipeniba bar, gumaziba dar ingari. Ezi Godra, a biziba bar dar ingari. <sup>5</sup> Moses a Godin ingangarir gumazimin iti, egha Godin akamin gin ghua Godin gumazamiziba bagha deravira ingari. A bizibar gun mikimamin ingangarim iti, akar God gin a mikimamiba. <sup>6</sup> Ezi Krais a Godin Otarim, a Godin gumazamizibagh ativagh men ganam. Egha guizbangira

---

**3:1:** Ef4:1, Fl 3:14, Hi 4:14, 5:5, 6:20, 7:26, 8:1, 9:11, 2 Pi 1:10    **3:1:** Efesus 4:1; Filipai 3:14; Hibru 4:14; 5:5; 6:20; 7:26; 8:1; 9:11; 2 Pita 1:10    **3:2:** Nam 12:7    **3:2:** Diboboniba 12:7    **3:3:** Sek 6:12, Mt 16:18    **3:3:** Sekaraia 6:12; Matyu 16:18    **3:4:** Ef 2:10, 3:9, Hi 1:2    **3:4:** Efesus 2:10; 3:9; Hibru 1:2    **3:5:** Nam 12:7    **3:5:** Diboboniba 12:7    **3:6:** Ro 5:2, Ef 2:21-22, Kl 1:23, 1 Ti 3:15, Hi 3:14, 6:11, 1 Pi 2:5    **3:6:** Rom 5:2; Efesus 2:21-22; Kolosi 1:23; 1 Timoti 3:15; Hibru 3:14; 6:11; 1 Pita 2:5

Godin akamin gin ghua ingangarir kam deravira a gami. Eghti e atiatingan koghiva, nighnizir gavgavim ikiva egh bizir aghuir e iniamiba e dav zuamam, egh kamaghin damuva, e uaghan Godin Dipenimin min ikiam.

*Gumazir akaba batoziba, me aghuvsazim inian kogham*

<sup>7-8</sup> E Godin gumazamiziba, egha uaghan an dipenimin min iti, kamaghin amizi, e Godin Duamin akam baragham. A kamaghin migei:

“Ia datirighin Godin tiarim baraghiva,  
 egh ia uan navibar kuman marki,  
 mati ian inazir afeziaba fomira an akaba  
 batogha  
 orazir puvati.

Me gumazamiziba puvatizir danganimin ikia God  
 damuti a irasa an akam batosi.

<sup>9</sup> God ghaze,  
 Me danganir kamın ikia nighnizir gavgavim  
 nan itir puvatigha,  
 nan gavgavim tuisigh fofoghasa nan azai.

Me garima,  
 ki 40plan azenibar arazir aghuiba me bagha  
 dagh ami.

<sup>10</sup> Kamaghin amizi, ki bar gumazamizir kabar  
 aningaghegha ghaze,  
 ‘Gumazamizir kabar naviba bar saghon ikia  
 nan gin zuir puvati.  
 Me zurara tuavir ki me bagh atizim gi-  
 tavirasi.’

11 Ki men aningaghegha bar guizbangira akar gavgavim gamua ghaze,  
 ‘Me nan aghuvsazir danganimin aven mangighan kogham.  
 Bar puvati!’”

12 Kraisin adarasi, ia uari bagh deravira gan, ian tongin tav nighnizir kuratam an navir averiamin ikiti a nighnizir gavgavim ategh, akirim ragh Angamira Itir God gasan marki. 13 Ezi ia kamaghin damuan marki, ia kamaghin damu, ia zurara dughiabar ia vaghvagh Godin gumazamizir igharaziba ko ia, akar aghuim uari daning uarir akurvagh egh uan naviba gavgavim dar aning. Kamaghin arazir kuram tav gifaraghti, a Godin gin zuir tuavim ateghan kogham. Godin Akinafarim ghaze, “Datirighin,” e fo, e datirighin ingangarir kam damuam. 14 Ia fo, dughiar e faragha nighnizir gavgavim Godin itim, en nighnizir gavgavim bar gavgafi. Egh e uan nighnizir gavgavibar amuti da gavgavigh iki maghira mangi dughiar e ovengamimin otogham. E kamaghin damuva, e bar Krais ko poroghiv iki a ko ingar ikiam. 15 E fo, Godin Akinafarim kamaghin migei:

“Datirighin ia Godin tiarim baraghiva,  
 egh ia an akamin aghuaghan marki,  
 mati ian inazir afeziaba fomira an akaba batogha  
 egha orazir puvati.”

---

**3:11:** Nam 14:21-23    **3:11:** Diboboniba 14:21-23    **3:14:** Hi 3:6  
**3:14:** Hibru 3:6    **3:15:** Sng 95:7-8, Hi 3:7-8    **3:15:** Onger  
 Akaba 95:7-8; Hibru 3:7-8

16 Fomira te Godin tiarim baregha, an gin zuir puvati, egha an akam batosi? Kar gumamazir Moses inigha Isipin ghueziba, meraram arazir kam gami. 17 Ezi God 40plan azenibar ten aningaghe? A gumamazir arazir kurabagh amiziba, me gumamaziba puvatizir danganimin ariaghirezir gumaziba, merara, a men aningaghe. 18 God fomira guizbangira akar gavgavim akira ghaze, "Me nan aghuvsazir danganimin aven mangan kogham." Akar kam, a te ganingi? Kar gumamazir an akam barazir puvatiziba. A me baghvira migei. 19 Kamaghin e fo, gumazir kaba me nighnizir gavgavim Godin ikian aghua. Ezi bizir kam bagha me Godin aghuvsazir danganimin aven mangan ibura.

## 4

### *Godin gumamaziba aghuvsazim iniam*

1 Datirighin, God uaghan e inigh aghuvsazir danganimin aven mangasa akam akiri. Ezi kamaghin ia uari bagh deravira gan, ian tav atam akuigh egh danganir kam in aven mangighan kogham. 2 E Akar Aghuim baraki, mati fomira Israelia a baraki. Egha Israelia me puram akam

---

**3:16:** Lo 1:1-38      **3:16:** Godin Araziba 1:25-38      **3:16:** Diboboniba 14:1-35      **3:17:** Sng 106:26, 1 Ko 10:10, Ju 5      **3:17:** Onger Akaba 106:26; 1 Korin 10:10; Jut 1:5      **3:18:** Lo 1:34-35, Hi 3:11      **3:18:** Godin Araziba 1:34-35; Hibru 3:11      **3:19:** Hi 4:6  
**3:19:** Hibru 4:6      **4:1:** Hi 12:15      **4:1:** Hibru 12:15

a baraki, egha nighnizir gavgavim an itir puvati. Ezi bizir kam bagha Akar Aghuir me oraghizir kam, a men akurazir puvati. <sup>3</sup> Ezi e gumazamizir nighnizir gavgavim Godin itiba, an e ateghtima e an aghuvsazir danganimin mangam. A fomira nguibar kam ginighnigha egha a mikemezir moghira:

“Ki aningaghegha akar gavgavim akira ghaze,  
 ‘Me nan aghuvsazir danganimin aven  
 mangighan kogham.  
 Bar puvati!’”

Guizbangira, God Mosesin dughiamin akar kam migei, ezi e fo, bar fomira dughiar a nguazir kamın ingarizim, a nguazir kamın ingarasa nighniziba a dagh amigha gifa.\* <sup>4</sup> Godin Akinafarimin aven akar otevir mam iti, a namba 7in dughiam migei, “Aruer namba 7in, God garima an ingangariba bar gifa, ezi a dughiar kamın avughse.” <sup>5</sup> Ezi migirigiar otevir kamra e faragha a baraki, a ua migia ghaze, “Me nan aghuvsazir danganimin aven mangighan kogham. Bar puvati!” <sup>6</sup> E kamaghın bizir kam gifo, Godin aghuvsazir dan-

**4:3:** Sng 95:11, Hi 3:11, 3:14    **4:3:** Onger Akaba 95:11; Hibru 3:11

\* **4:3:** Israelia Isip ataghizir dughiam, God Moses ko Josua me inigh Kenanın Nguazimin mangasa a ifonge, eghti nguazir kam me dapiagh avughsamin danganimin otogham. Ezi gumazir Hibrun Akinafarim osirizim kamaghın en aka, God avughsazir danganir igharazim iti, kar Godin Nguibam, guizbangiram an avughsazir danganim, eghti gumazamizir nighnizir gavgavim an itibarama Nguibar kamın aven mangan.    **4:4:** Stt 2:2, Kis 20:11, 31:17    **4:4:** Genesis 2:2; Ua Me Ini 20:11; 31:17    **4:5:** Sng 95:11    **4:5:** Onger Akaba 95:11

ganir kam a ikiavira iti, ezi gumamazizitaba an aven mangam. Ezi gumamazizir faragha Akar Aghuim baraghiziba, me nighnizir gavgavim an itir puvati, kamaghin amizi, me aven ghuezir puvati. <sup>7</sup> Ezi gumamazizir kabar gin, azenir aviriba ghua gifa, ezi God uan akam isa Devit ganingi, ki Godin Akinafarimin aven itir akar kamın gun mikemegha gifa. A ghaze:

“Datirighin ia Godin tiarim baraghiva,  
egh ia an akamin aghuaghan marki.”

Devitin dughiamin, God ghaze, “Datirighin,” egha kamaghin en aka, a dughiar igharazim ginaba. Dughiar a inabazir kam, gumamaziziba an aghuvsazir danganir kamın aven mangam. <sup>8</sup> Josua ti fomira aghuvsazim gumamazizibagh aningizi, ezi God gin dughiar igharazitam ginabaghan koghai. <sup>9</sup> Kamaghin amizi, e fo, Godin gumamazizibar aghuvsazim a ikivira ikiam, a mati Sabatin aghuvsazir dughiam. <sup>10</sup> E fo, gumazim Godin aghuvsazir danganimin aven ghua, a uan ingangarim agivagha aghuvsı, mati fomira God uan ingangarim agivaghava aghuvsı.

<sup>11</sup> E kamaghin aghua, me fomira amizi moghin, gumazitam o amizitam uan akaba batozir arazimin gin mangi, aremegh uan aghuvsazir danganimin aven mangighan kogham. Kamaghin

---

**4:7:** Sng 95:7-8    **4:7:** Onger Akaba 95:7-8    **4:8:** Lo 31:7, Jos 22:4    **4:8:** Godin Araziba 31:7; Josua 22:4    **4:10:** Stt 2:2, Hi 4:4  
**4:10:** Jenesis 2:2; Hibru 4:4    **4:11:** Hi 3:12, 3:18-19    **4:11:** Hibru 3:12; 3:18-19

e aghuvsazir danganimin aven mangisi pamtemin ingaram.

<sup>12</sup> Godin Akam an angamira ikia, egha pamtemin ingara iti. A bar ghumigha, midorozir sabar ghumtizir pumuning itim gafira. Ezi akar kam, sabar ghumtizimin min, a bar gumazimin namnam okoregha bar aven ghua, duam ko navir averiam uaning bativi naghin oto, egha uaghan aghariba uari isasuirazir naghin, ko agharibar aven itir ovim, aning uaning bativi naghin oto. Egha a bar en nighniziba ko en navir averiabar aven itir ifongiabagh fogha da tuisisi. <sup>13</sup> Ezi bizir God ingariziba, tam Godin damazimin modoghan kogham. Bar puvati. Ezi biziba bar kuiaghiregha Godin damazimin bar azenara ikiam. Eghti Godra arazir e amiba tuisightima e dar a geghanam.

**Iesus Godin Nguibamin ikia, en  
Ofa Gamir Gumazibar Dapanimin  
min ikia, egha Akar Dikirizir  
Gavgavir Igiamin abuir  
gumazimin min iti**

(*Sapta 4:14--10:39*)

*Iesus Ofa Gamir Gumazibar Dapanim*

<sup>14</sup> Ezi e Ofa Gamir Gumazibar Dapanir mam iti, ezi a bar Godin Nguibamin aven ghua. A Iesus,

---

**4:12:** Ais 49:2, Jer 23:29, Jo 12:48, 1 Ko 14:24-25, Ef 6:17, MAA 1:16, 19:15    **4:12:** Aisaia 49:2; Jeremaia 23:29; Jon 12:48; Efesus 6:17; Akar Mogomem 1:16; 19:15    **4:13:** Jop 26:6, Sng 33:13-14, 90:8, Snd 15:11    **4:13:** Jop 26:6; Onger Akaba 33:13-14; 90:8; Aghuzir Akaba 15:11    **4:14:** Hi 3:1, 7:26, 10:23    **4:14:** Hibru 3:1; 7:26; 10:23



Godin Otarim. Kamaghin amizi, e nighnizir gav-gavir e gun migeir kamın suiragh gavgavigham. <sup>15</sup> E uari arazir kuraba dikabinamin gavgaviba puvati. Egh e kamaghin nighnighan kogham, Ofa Gamir Gumazibar Dapanir kam, en nighnizibagh fogh en kuarkuvighan kogham. Puvati. Satanin ifavarir arazir e bativiziba, da uaghan bar a bativigha gifa. Ezi an arazir kuratam gamizir puvati. <sup>16</sup> Kamaghin amizima, e atiatingan koghiva Godin atrivir dabirabimin boroghin mangam, Godin apangkuvim a gizifa. E a bagh mangitima God en kuarkuvigh en apangkuvigham. Egh e osimtizitam ikiti an apangkuvim en akuragham.

## 5

*Iesus, en Ofa Gamir Gumazibar Dapanim, an en akura*

<sup>1</sup> Ia nighnigh. Ofa gamir gumazibar dapaniba bar, God vaghvagh men adarazir tongin me amisefe. God men mav amisevezima, a gumazamiziba bagha Godin ofa gami. Egha uaghan bizir aghuiba isa God ganidi. Egha arazir kuraba bagha ofa gamima God arazir kuraba gin amadi. <sup>2</sup> Egha a uabi a Godin damazimin bizibar amuamin gav-gaviba puvati. Kamaghin amizi, gumazir fofoziba puvatigha pazav amiba, a men asughasusi. <sup>3</sup> Egha a uabi a bizibar amuamin gavgaviba puvati,

---

**4:15:** 2 Ko 5:21, Hi 2:17, 7:26, 1 Pi 2:22, 1 Jo 3:5      **4:15:** 2 Korin 5:21; Hibru 2:17; 7:26; 1 Pita 2:22; 1 Jon 3:5      **4:16:** Ef 2:18, 3:12, Hi 10:19-22      **4:16:** Efesus 2:18; 3:12; Hibru 10:19-22      **5:2:** Hi 2:18, 4:15, 7:28      **5:2:** Hibru 2:18; 4:15      **5:3:** Wkp 9:7, 16:6, Hi 7:27      **5:3:** Ofa Gami 9:7; 16:6; Hibru 7:27

kamaghin amizi, a gumamazibar arazir kuraba ko a uan arazir kuraba sara gin amangisi ofabar amu.

<sup>4</sup> Ezi gumazitam ofa gamir gumazibar dapanimin ikiasa uabi uabi amisevegha ziar ekiam inizir pu. Puvati. God uabi an diazima a ingangarir kam ini. Mati God fomira Aronin diazi mokin. <sup>5</sup> Ezi kamaghin, Kraiss uaghan kamaghiram ami. A uabi uan ziam fer puvati, egha Ofa Gamir Gumazibar Dapanimin otozir pu. Puvati, God uabi ingangarir kam damuasa anemisefe. Egha God kamaghin a migei, “Ni nan Otarim, ezi datirighin ki nin Afeziamin oto.” <sup>6</sup> Egha uan Akinafarimin aven itir akar igharazir mam, a ghaze, “Ni ofa gamir gumazim, Melkisedekin min iki mamaghira ikiam.” <sup>7</sup> Ezi dughiar Iesus nguazimin itim, a pamtemin God ko migia egha diav azi. A fo, an ovengan koghsi, God an akuraghamin gavgavim iti. Kamaghin amizi, a uabi uan ifongiam dikabiragha Godin apengan ikia, an akam barasi. Ezi God an dimdiam barasi.\*

**5:4:** Kis 28:1      **5:4:** Ua Me Ini 28:1      **5:5:** Sng 2:7, Jo 8:54, Hi 1:5, 1:8      **5:5:** Onger Akaba 2:7; Jon 8:54; Hibru 1:5; 1:8

**5:6:** Sng 110:4, Hi 6:20, 7:1, 7:17, 7:21      **5:6:** Onger Akaba 110:4; Hibru 6:20; 7:1; 7:17; 7:21      **5:7:** Jo 12:27, 17:1      **5:7:**

Jon 12:27; 17:1      \* **5:7:** Iesus Getsemanin Azenimin ikia, egha osimtizer a bativamim batoghasa God ko migei. Ni Matyu 26:36-46 ko Mak 14:32-42 ko Luk 22:39-46in gan. Migirigiar kabar God Iesus a ko migeir migirigiba baraki. Guizbangira God Iesus ataghizi an areme, egha God ovevem ataghizi an an suirazir puvati. God a gamizi ua mozinin dikavizi, a ziar ekiam a ganigha a gamizi an Ofa Gamir Gumazibar Dapanimin oto. Ni uaghan Aposel 2:24 ko Hibru 2:29 ko Filipai 2:6-11in gan.

8 Guizbangira Iesus a Godin Otarim, egha a mizazim ini. Ezi tuavir kamra a Godin akamin gin zuir arazim an a gifo. <sup>9-10</sup> Egha a uan ingangarir a damuamiba, a bar da gifa. Ezi God anemisevegha ghaze, “Ni Ofa Gamir Gumazibar Dapanimin ikiam, egh Melkisedekin min ikiam.” Ezi a gumamazir an akam baragha an gin zuiba, a men Akurvazir Gumazimin oto. Egh a men akurvaghti me deravira iki mamaghira ikiam.

*E borir agharibar min ikian kogham*

<sup>11</sup> E fo, Iesus Ofa Gamir Gumazibar Dapanimin oto, ezi e migirigiar aviriba akar kamın iti, e dar gun ia mikimasa. Ezi ia oraghan aghua. Kamaghın amizima, e akar kamın mingarim ia mikiman ibura.† <sup>12</sup> Ia fomira Kraisin adarazir otivigha gifa, ezi kamaghın ia gumamazibar Godin akam men sure gamighai. Puvati, ian nighniziba oteveg-havira iti, kamaghın gumazir igharaziba, Godin akar faraghavira ian sure gamiziba, me ua ian sure damuam. Ia dagher gavgaviba inian firin, ia otem apavira iti. <sup>13</sup> Ezi tina otem apavira iti, an aghirimra iti. Egha an arazir aghuimin akar mingarim gifozir puvati. <sup>14</sup> Ezi dagher gavgaviba, da gumazir aruabar daghem. Ezi gumazir kaba, me dughiar aviribar araziba tuisisi, arazir manam

---

**5:8:** Fl 2:8, Hi 3:6    **5:8:** Filipai 2:8; Hibru 3:6    **5:9-10:** Hi 2:10, 5:6, 11:40    **5:9-10:** Hibru 2:10; 5:6; 11:40    **5:11:** Mt 13:15, Jo 16:12, 2 Pi 3:16    **5:11:** Matyu 13:15; Jon 16:12; 2 Pita 3:16    † **5:11:** Ni Hibru sapta 7in gan.    **5:12:** 1 Ko 3:1-3, Hi 6:1    **5:12:** 1 Korin 3:1-3; Hibru 6:1    **5:12:** 1 Korin 3:2    **5:13:** 1 Ko 13:11, Ef 4:14, 1 Pi 2:2    **5:13:** 1 Korin 13:11; Efesus 4:14; 1 Pita 2:2    **5:14:** Ais 7:15, Ro 16:19, 1 Ko 2:14-15, Fl 1:10    **5:14:** Aisaia 7:15; Rom 16:19; 1 Korin 2:14-15; Filipai 1:10

dera ezi arazir manam ikufi. Egha datirighin me deravira fofoghava egha me nighnizir dikiriaba iti.

## 6

*E deraghvira tuivigh gavgavigh God mizumanti, a deraviram e damuam*

<sup>1-2</sup> E datirighin Kraisin adarazir migirigiar faragha iniziba ataghiragham, migirigiar kaba: navibagh ighegh akirim ragh ovever arazibagh asaraghamin migirigiaba ko, nighnizir gavgavim Godin ikiamin migirigiaba ko, rurir arazimin migirigiaba ko, dafariba gumazibagh isin arizir arazimin migirigiaba ko, gumazamizir ovegha ua dikavibar migirigiaba ko, God gumazamizibar araziba tuisighti me mizaziba iniam, o zurara ikivira ikiamin migirigiaba, e migirigiar kaba ateghti, da zurara en nighnizibar ikian kogham. E kamaghin nighnighvira ikiva, mati e dipenir akiniba dughiar aviribar da akuravira iti, egh dipenim asaragham kogham. E gumazir aruabar min akaba baragh egh dar gin mangam.\* <sup>3</sup> God en amamangatightima, e kamaghin damuam.

<sup>4-6</sup> Gumazir maba, Godin angazangarimin

**6:1-2:** Ap 8:14-17, 17:31-32, 19:4-5, Ro 2:16, Fl 3:12-14, Hi 5:12, 9:14

**6:1-2:** Aposel 8:14-17; 17:31-32; 19:4-5; Rom 2:16; Filipai 3:12-14;

Hibru 5:12; 9:14 \* **6:1-2:** Rurir guar aviribagh isir arazimin akar kam, a Grighin akamin deragha otozir puvati. Gumazir maba kamaghin nighnisi, akar kam Kraisin adarazir rurim migeir puvati. A Judabar arazir me gin ghua rua Godin damazimin zuer akam migei. **6:4-6:** Mat 12:31, Ga 3:2, Ef 2:8, Hi 10:26-27, 10:29, 10:32, 1 Pi 2:3, 2 Pi 2:20-21, 1 Jo 5:16 **6:4-6:** Matyu 12:31; Galesia 3:2; Efesus 2:8; Hibru 10:26-27; 10:29; 10:32; 1 Pita 2:3; 2 Pita 2:20-21; 1 Jon 5:16

aven ikegha, akurvazir aghuir Godin Nguibamin izezim inigha ghaze, a bar dera, egha igharaz darazi ko, Godin Duam inis. Egha Godin akam baregha fo, a bar dera. Me Godin gavgavimin aven ghua deragha an gani, gavgavir kam, a gin izamim dughiamin miseveghirigh azenimin otogham. Kamaghin amizi, gumazim akirim ragh God gasaragh tuavir manatamin izi ua navim giragham? Bar puvati. A kamaghin amua, mati, a uan navir averiamin aven Godin Otarim uam a isa ter ighuvim gafugha, a gurazi gumaziba ua dibovir akabar a migei. Kamaghin amizi, gumazir uan nighnizir gavgaviba ataghizir kaba, me ua navibagh iraghamin tuaviba puvati.

<sup>7</sup> Amozim dughiar aviribar izava nguazimin aven zui. Eghti nguazim daghebar amuti dagher aghuiba otivam, egh gumazir me me bagha da oparizibar akurvaghham. Eghti God nguazir kam deragh a damuam. <sup>8</sup> Eghti benir ataghatariba ko benir kuraba an ikiti, kamaghin nguazim ikuvigham. A dughiar ruarim ikeghan kogham, eghti God suam, ni ikufi, ni bar isigham.

<sup>9</sup> Namakar aghuiba, e migirigiar gavgavir kabar ia gami. Egha e ia ginighnigha kamaghin fo, ia tuavir aghuimin gin mangam, a tuavir God ian akurazim. <sup>10</sup> God a gumazir kuram puvati, a ingangarir aghuir ia amizibagh fo, ia God gifongezir arazimra Godin gumazamizibar akagha men akurvasi, egha ia kamaghin amuavira iti.

---

**6:8:** Stt 3:17-18    **6:8:** Jenesis 3:17-18    **6:10:** Ro 15:25, 2 Ko 8:4, 1 Te 1:3, 2 Te 1:6-7, 2 Ti 1:18, Hi 10:32-34    **6:10:** Rom 15:25; 2 Korin 8:4; 1 Tesalonika 1:3; 2 Timoti 1:18; Hibru 10:32-34

Egh a bizir kaba bakinighnighan kogham. <sup>11</sup> E kamaghin bar ifonge, ia bizir aghuir ia fogha iniamibav zuam iki, kamaghin ia God gifongezir arazimin gin zui moghin, ia bar moghira tu-ivigh gavgavighvira iki, mangiti ikirimirir kam givagham. <sup>12</sup> Ia amirvaghan marki. Ia gumazir nighnizir gavgavim ikia egha zuamiram amirvazir puvatizibar min iki. Egh bizir God fomira uan boribar aningasa akam akiriziba, ia da iniam.

*E nighnizir gavgavim Godin akar dikirizimin iti*

<sup>13</sup> God fomira akar dikirizim Abraham daningasa, a fo, gumazitam ekevegha a gafirazir puvati, egha a uabi uan ziam dibora ghaze, bar guizbangira. <sup>14</sup> Egha ghaze, “Ki guizbangira ni migei, ki deragh ni damuva, egh nin ovavir boribar amighti me bar avirasemegham.” <sup>15</sup> Abraham a mizua zuamiram amirvazir puvati, ezi God, gin bizir an akar dikirizimin mirara Abraham daningasa mikemeziba, a ganingi.

<sup>16</sup> Gumazim gavgavim uan akam daningisi, a gumazir a gafirazimin ziam dibora ghaze, bar guizbangira. A kamaghin damighti, gumazitam anedueghan kogham. <sup>17</sup> God fomira, gumazamiziba uan akar dikirizim me ganingizi, me fo, me gin an akam akirizir biziba iniam. Dughiar kam a deraghvira kamaghin men akaghasa ifongegha ghaze, nighnizir kam uam an

**6:11:** Kl 2:2, Hi 3:6, 3:14      **6:11:** Kolosi 2:2; Hibru 3:6; 3:14

**6:12:** Hi 10:36      **6:13:** Stt 22:16-17      **6:13:** Jenesis 22:16-17

**6:14:** Stt 22:16-17      **6:14:** Jenesis 22:16-17      **6:16:** Kis 22:10-11

**6:16:** Ua Me Ini 22:10-11      **6:17:** Ro 11:29, Hi 11:9      **6:17:** Rom 11:29; Hibru 11:9

otevkinighan kogham. Kamaghin amizi, a gav-gavim uan akar dikirizim ganiga uan ziam dibora ghaze, bar guizbangira. <sup>18</sup> Egha datirighin akar pumuning iti, kar Godin akar dikirizim, ko Godin arazir uan ziam diborim, aning otevkínighan kogham. God uabi ifarir puvati. Kamaghin amizi, e gumamazir ara ghua Godin boroghin mongez-iba, e Godin akar dikirizim ginighnigh egh e uan naviba gavgavim dar aning, egh bizir aghuir e fogha iniamiba mizuamvira ikiam. <sup>19</sup> Egha e bizir aghuir e fogha iniamiba bagha mizuair arazir kam, a en akuragha en ikirimirimín suiragha gav-gavim e ganidi, mati angka kurimín suirazi a gav-gavigha danganir vamiran iti. E Iesus mizuaima, an aven ghua inir ekiar me Godin Dipenimín gurazimín girakirangin Bar Anogoroghezir Danganimín oto. <sup>20</sup> Iesusra e bagha faraghavira aven ghugha Ofa Gamir Gumazibar Dapanimín oto. Egha a Melkisedeghin mín Ofa Gamir Gumazimín oto, egh a zurara ikivira ikiam.†

---

**6:18:** Nam 23:19, 1 Sml 15:29, Hi 12:1    **6:18:** Diboboniba 23:19; 1 Samuel 15:29    **6:19:** Wkp 16:2-3, 16:12, 16:15, Hi 9:7    **6:19:** Ofa Gami 16:2-3; 16:12; 16:15; Hibru 9:7    **6:20:** Wkp 16:2-3, 16:12-15, Sng 110:4, Hi 3:1, 5:6, 5:10, 7:17, 8:1, 9:24    **6:20:** Ofa Gami 16:2-3; 16:12-15; Onger Akaba 110:4; Hibru 3:1; 5:6; 5:10; 7:17; 8:1; 9:24  
 † **6:20:** Azeniba bar aruer vamiran dughiar vamiran Israelian ofa gamir gumazibar dapanim ingangarir ekiar mam iti. An asizibar ghuzim inigh, egh arazir kuraba gin amangisi Godin Purirpenimín Bar Anogoroghezir Danganimín aven mangam. Danganir kam, God uabi an aven iti. Ni Ofa Gamir Akinafarim sapta 16, ko Hibrun Akinafarim 9:1-7in gan. E fo, datirighin Iesus guizin Ofa Gamir Gumazibar Dapanimín oto. Egha Godin Dipenir an Nguibamin itimín a gumamazibar arazir kuraba a givasa ingangarim gami. Ni Hibru 4:14 ko 8:2in gan.

## 7

*Melkisedek a ziar bar ekiam iti*

<sup>1</sup> Ia fo, Melkisedeghin kam, a Salemin nguibamin atrivim, egha a Godin Bar Pin Itimin ofa gamir gumazim. Ezi dughiar mam Abraham atrivir 4pla misogha me abini. Egha a uamategha izima, Melkisedek tuavimin a batogha a bagha God ko migia ghaze, God bizir aghuiba a bagh dar amuam. <sup>2</sup> Ezi Abraham bizir a midorozimin iniziba, a bar a da tuirazi, da 10plan pozibar otifi, ezi a pozir mam isa Melkisedek ganingi. (Ia nighnigh, Melkisedeghin ziamin mingarim a kamakin, Arazir Aghuibar Atrivim. Egha a uaghan Salemin atrivim, ezi an ziar kam in mingarim kamakin, Navir Amirizimin Atrivim.) <sup>3</sup> Ezi Godin Akinafarimin aven, me Melkisedeghin ameboghfeziabar ziaba osirizir puvati, egha an ovavitamin ziam osirizir puvati. Egha uaghan amebam a batezir dughiam ko an ovever dughiam me da osirizir puvati. A Godin Otarimin min ikia Ofa Gamir Gumazimin ikia mamaghira iti.\*

<sup>4</sup> Ia Melkisedeghin kam ginighnigh, a ziar bar ekiam iti! En inazir afeziar faragha zuim Abraham bizir a midorozimin iniziba, a bar a da

**7:1:** Jenesis 14:17-20    **7:3:** Sng 110:4    **7:3:** Onger Akaba 110:4

\* **7:3:** Melkisedek ameboghfeziaba puvatizir akamin mingarim kamakin, Godin Akinafarimin an ameboghfeziabar migirigiatam itir puvati. Ezi an amebam a batezir dughiam ko an aremezir dughiam, Godin Akinafarimin aven migirigiatam itir puvati. Kamaghin amizi, gumazir Hibrun Akinafarim osirizim ghaze, Iesus ofa gamir gumazimin ikia zurara mamaghira iti, ezi Melkisedek purama an ababanim gami.    **7:4:** Stt 14:20    **7:4:** Jenesis 14:20



tuirazi, da 10plan pozibar otifi, ezi a pozir mam isa Melkisedek ganingi. <sup>5</sup> E fo, Livain ovaviba me Godin ofa gamir gumazibar otifi. Ezi Moses Osirizir Araziba ghaze, Israelian gumaziba, me uan biziba 10plan pozibar da tuiraghti, Livain gumaziba me da pozitam iniam. Livaiba me uaghan Israelian marasi. Egha me uaghan Abrahamin ovaviba. Ezi Israelia uan biziba tuiragha maba isa uan marazigh aningizi me da ini. <sup>6</sup> Melkisedek a Livain adarazir ovavimin otozir puvati. Ezi Abraham uan biziba tuirazi, da 10plan pozibar otozi, Melkisedek a da pozir mam ini. Egha Melkisedek, bagha God ko migia ghaze, God bizir aghuiba a bagh dar amuam. Gumazir kam Abraham, a Godin akar dikirizim ini. <sup>7</sup> E kamaghin fo, gumazim God ko migia ghaze, God bizir aghuiba gumazir igharazim damuam, a gumazir bar ekiam. Ezi bizir aghuiba iniamin gumazim, an an apengan iti. <sup>8</sup> Ezi Livaiba me Israelian 10plan pozibar arizir bizibar akuar maba isi, kar gumazir ovengamiba. Ezi Melkisedekra, gumazir Abrahamin bizir akuaba inizim, Godin Akinafarim ghaze, an ovever akatam itir puvati, a ikivira ikiam. <sup>9</sup> E kamaghin mikim suam, Livai uabi, gumazir Israelian 10plan pozibar arighizir bizir akuaba inizim, a uaghan Abrahamin ovavimin ikia, egha a tuavir kam in uan bizir akuaba isa Melkisedek ganingi. <sup>10</sup> Guizbangira, Livai tighar otivamin dughiamin, a uan ovavim Abrahamin mikarzim in aven iti. Ezi Melkisedek tuavimin Abraham batozi Abraham bizir kaba isa

7:5: Nam 18:21

7:5: Diboboniba 18:21

7:8: Hi 5:6, 6:20

7:8: Hibru 5:6; 6:20

Melkisedek ganingi. Kamaghira e mikim suam, Livai uaghan uan biziba isa Melkisedek ganingi.

*Ofa Gamir Gumazibar Dapanir igiam, a fomira itir Godin ofa gamir gumazibagh afira*

<sup>11</sup> Fomira Israelian gumazamiziba, Moses Osirizir Araziba ini, ezi arazir kam kamaghin migei, Livain gumaziba Godin ofa gamir ingangarim damu. Eghti Livain gumazibar ofa gamir ingangarim, a gumazamizibar amuti me bar deraghvira ikiti, manmaghsua God ghaze, ofa gamir gumazir igharazim gin otivam? A Melkisedeghin min ikiva, Aronin min ikian kogham. <sup>12</sup> Eghti Godin ofa gamir gumazibar araziba iragh igharagh otivtima, eghti Moses Osirizir Araziba uaghan iragh igharagh otivam. <sup>13</sup> Ezi en Ekiam, gumazir Godin Akinafarim gun mikemezim, an anabar igharazimin gumazim. Ezi an anabamin adarazir tav dughiatamin Godin ofa gamir ingangarim gamizir puvati. <sup>14</sup> Ezi e bar fo, en Ekiam a Judan anabamin adarazir aven oto. Ezi Moses ofa gamir gumazibar ingangarim migia, anabar kamın adaraziv kemezir puvati.

<sup>15</sup> Ezi ofa gamir gumazir igharazim otozi e an gari, a Melkisedeghin miraram oto. Egh e kamaghin deraghvira fogham, a Livain ofa gamir gumaziba bar me gafira. <sup>16</sup> Gumazir kam ofa gamir gumazimin oto, me nguazir kamın arazibar gin ghua an anabam ginighnigha ingangarir kam a ganingizir pu. Puvati. An ikirimirir aghuimin gavgavim zurara ikiti bizitam a gasighasighan

---

**7:14:** Stt 49:10, Ais 11:1, Mt 2:6, MAA 5:5      **7:14:** Jenesis 49:10; Aisaia 11:1; Matyu 2:6; Akar Mogomem 5:5

kogham. Gavgavir kam a gamizima a ofa gamir gumazimın oto. <sup>17</sup> E fo, Godın Akınafarim kamaghın miġia ghaze:

“Ni ofa gamir gumazimın iki mamaghıra ikiam.  
Ni Melkisedeghın mın ofa gamir gumazimın ikiam.”

<sup>18-19</sup> Kamaghın e fo, arazir ghurir kam, gavgav-iba puvatigħa egha a deragħa en akurvazir puvati. Egha a bizitam gamima a derazir puvati. Kamaghın amizi, God anegifa. Egha God datirighın tuavir bar aghuir mam kui. Tuavir kamra kara, e bizir aghuir e fogħa iniamiba bagħa mizuai. Ezi tuavir kam Moses Osirizir Arazibagh afira. E tuavir kamın mangi Godın boroghıra mangam.

<sup>20</sup> Ezi uaghan, dugħiar God gumazir kam amisevezi an ofa gamir gumazimın otozim, a pura anemisevezir puvati. A uabi uan ziam dibora ghaze, bar guizbangıra, egha anemisefe. Ezi me ofa gamir gumazir igharaziba amisivasa, gumazitam uan akam gavgavim ganiga Godın ziam diborozir puvati. <sup>21</sup> God uabi guizbangıra mikemezi, tuavir kamın Iesus ofa gamir gumazimın oto. God kamaghın mikeme:

“Ekiam bar guizbangıra mikemegħa  
akar dikirizim gamua ghaze,  
'Ni ofa gamir gumazimın iki  
mamaghıra ikiam,'

---

**7:17:** Sng 110:4, Hi 5:6      **7:17:** Onger Akaba 110:4; Hibru 5:6  
**7:18-19:** Rom 8:3; Galesia 2:16; 4:9; Efesus 2:18; Hibru 9:9      **7:21:**  
Sng 110:4, Hi 5:6      **7:21:** Onger Akaba 110:4; Hibru 5:6

egh uan niġhnizim giraghan kogham.”

<sup>22</sup> Godin akar dikirizir kam kamaghin en akazi e fo, Iesus Akar Dikirizir Gavgavir kam deragh an ganiva a damighti, a guizbangiram otogham. E fo, Akar Dikirizir Gavgavir kam a bar deragha, Akar Dikirizir Gavgavir Ghurim gafira.

<sup>23</sup> Fomira, gumazir avirim Godin ofa gamir gumazibar otifi. Egha me ariaghira, egha uan ingangarim gamir puvati. Bizir kam bagha, gumazir aviriba ofa gamir gumazibar otifi. <sup>24</sup> Ezi Iesus angamira ikia mamaghira ikiavira iti. Kamaghin a Godin ofa gamir ingangarim gamua mamaghira ikiavira iti. Eghti tav an min ofa gamir gumazimin otoghan kogham. <sup>25</sup> An angamira ikia mamaghira ikia egha gumazimiziba bagha Godin azangsi. An ingangarimin tuavimin a me inigha Godin boroghira zui. Kamaghin, datirighin ko zurara, a men akurvagh.

<sup>26</sup> Guizbangira, Ofa Gamir Gumazibar Dapanir kam e bagha ingara bar deravira en akurvasi. A God ifongezir arazibara, dar gin zui. Egha arazir kuratam an itir puvati. A Godin damazimin bar zue. Ezi God a isa uan Nguibam bar pin aneti, ezi an arazir kurabagh amir gumazimizibar saghon iti. <sup>27</sup> Fomira ofa gamir gumazibar dapanir igharaziba, me dughiabar zurara ofabagh ami. Me faragha uan arazir kuraba gin amangasa

---

**7:22:** Hi 8:6, 12:24    **7:22:** Hibru 8:6; 12:24    **7:25:** Ro 8:34, 1 Ti 2:5, Hi 9:24, 1 Jo 2:1    **7:25:** Rom 8:34; 1 Timoti 2:5; Hibru 9:24; 1 Jon 2:1    **7:26:** Ef 1:20, Hi 3:1, 4:15, 8:1    **7:26:** Efesus 1:20; Hibru 3:1; 4:15; 8:1    **7:27:** Wkp 9:7, Ro 6:10, Hi 5:3, 9:12    **7:27:** Ofa Gami 9:7; Rom 6:10; Hibru 5:3; 9:12

ofabagh ami. Egha gın me gumazamizibar arazir kuraba gın amangasa ofabagh ami. Ezi İesus kamaghın amir pu. Bar puvati. A dughiar bar vamıran, e bagha uan mıkarzim isa ofan mın God ganıgha egha aremegha gıfa. <sup>28</sup> E fo, me Moses Osirizir Arazibar gın ghua, gumazir gavgavıba puvatizıba amısevıma me ofa gamir gumazibar dapanıbar otifi. Ezi God akar dıkirizim gamua uan zıam dıbora ghaze, bar guızbangıra, egha uan Otarım amısefe. Akar dıkirizir kam, a Moses Osirizir Arazibar dughıamın gın otogha dagh afıra. Ezi Ofa Gamir Gumazibar Dapanir kam, a gumazir bar aghuım. Egha an en akurvaghıamın gumazir bar faraghavıra zuımın oto. Egh a iki mamaghıra ikıam.

## 8

### *İesus, en Ofa Gamir Gumazibar Dapanım, a Godın Nguıbamın iti*

<sup>1</sup> Ezi mıgırıgıar e amızir kam, an mıngarım kamakın, e Ofa Gamir Gumazibar Dapanir mam iti, a Godın Nguıbamın ikıa Godın atrıvir dabırabımın agharır guvım gaperaghav iti.

<sup>2</sup> Egha an Anogoroghezir Danganımın ikıa Ofa Gamir Gumazibar Dapanımın ingangarım gamı, danganır kam a guızbangıra Godın Purırpenım, dıpenır gumazıba ingarızir puvatızım, Ekıam uabı an ingarı.

<sup>3</sup> E fo, ofa gamir gumazibar dapanıba bar, me

---

**7:28:** Hi 2:10, 5:1-2, 5:9    **7:28:** Hibru 5:1-2; 5:9    **8:1:** Sng 110:1, Ef 1:20, Kl 3:1, Hi 1:3, 3:1, 10:12, 12:2    **8:1:** Onger Akaba 110:1; Efesus 1:20; Kolosi 3:1; Hibru 1:3; 3:1; 10:12; 12:2    **8:3:** Ef 5:2, Hi 5:1, 9:14    **8:3:** Efesus 5:2; Hibru 5:1; 9:14

asiziba ko biziba isi ofa damuasa me amisefe. Kamaghin amizi, en Ofa Gamir Gumazibar Dapanir kam, a uaghan bizitam isi ofan min God daningam. <sup>4</sup> Nguazir kamın ofa gamir gumaziba, me Moses Osirizir Arazibar gin ghua biziba isava ofan min God ganıdi. Kamaghin amizi, Iesus ti nguazimın ikiai, an ofa gamir gumazimın ikian koghai. Ezi puvati, a Godın Nguibamın iti. <sup>5</sup> Ezi me nguazimın ikia ofa gamir ingangarim gamima ingangarir kam guizbangıra Godın Nguibamın itir ingangarimın nedazim ko ababanım gami. Arazir kam uaghan Moses bato. A Godın Purirpenimın ingarasava amima, God kamaghin a migei, “Ni Purirpenimın ingarsi, ni mighsıamın ikia ganizir ababanımra, an gin mangı deragh an ingar.” <sup>6</sup> Ezi Iesus ofa gamir ingangarim inizıma, an ingangarım nguazimın itir ofa gamir gumazibar ingangaribagh afıra. God, Akar Dikirizir Gavgavir faragha zuım, Israelia ganigha akar mabar kiri. Egha gin Akar Dikirizir Gavgavir igharazim gamua egha akar bar aghuıbar kiri, ezi akar dikirizir kam, Akar Dikirizir Gavgavir faragha zuım bar a gafıra. Kamaghin amizi, Iesus God ko gumazamizibar abuir gumazimın ikiava Akar Dikirizir Gavgavir Igiam gavgavım a ganıngi. Ezi an Akar Dikirizir Gavgavir Ghurım gafıra.

*Akar Dikirizir Gavgavir Igiam, Akar Dikirizir Gavgavir Ghurım bar a gafıra*

---

**8:5:** Kis 25:40, Nam 8:4, Ap 7:44, Kl 2:17, Hi 9:23    **8:5:** Ua Me Ini 25:40; Diboboniba 8:4; Aposel 7:44; Kolosi 2:17; Hibru 9:23    **8:6:** 2 Ko 3:6-9, Hi 7:22, 9:15    **8:6:** 2 Korin 3:6-9; Hibru 7:22; 9:15

<sup>7</sup> Ezi Akar Dikirizir Gavgavir faragha zuim,  
a ti derazi God Akar Dikirizir Gavgavir Igiam  
gamighan koghai.

<sup>8</sup> Egha God uan gumazamizibar arazir kuraba  
aghurigha kamaghin migei:

“Ki ian Ekiam,  
egha ki kamaghin ia migei.

Dughiam a iziti,

ki Israelia ko Judaba, me ko Akar Dikirizir  
Gavgavir Igiam damuam.

<sup>9</sup> Eghti Akar Dikirizir Gavgavir Igiam,

ki fomira men ovavir afeziaba ko amizir Akar  
Dikirizir Gavgavim,

an an min mangan kogham.

Fomira itir dughiam,

ki uan dafarimin men suigha me inigha Isipin  
kantri ategha azenan ize,

egha ki men pamin min itima

me nan amuimin min iti.

Egha me Akar Dikirizir Gavgavir Ghurir kam  
abiki.

<sup>10</sup> Ki ian Ekiam, egha ki kamaghin ia migei,

gin izamin dughiam otoghti,

ki Israel ko Akar Dikirizir Gavgavim  
damighti,

eghti a kamaghin mangam:

Ki uan araziba men nighnizibar arigh,

egh da isi men navir averiabar da osiram.

Egh ki men Godin ikitima

me nan gumazamizibar ikiam.

---

**8:7:** Hi 7:11, 7:18    **8:7:** Hibru 7:11; 7:18    **8:8:** Jeremaia  
31:31-34    **8:10:** Sek 8:8, Hi 10:16    **8:10:** Sekaraia 8:8; Hibru  
10:16

- 11 Dughiar kamın gumazamiziba vaghvagh uan  
namakaba ko uan adarazir sure damuan  
kogh suam,  
'Ia Ekiam gifogh.'  
Puvati.  
Me bar moghira na gifogham,  
gumazamizir kiniba ko ziaba itir gumazamiz-  
iba.
- 12 Eghti ki men apangkuvigh  
men arazir kuraba gin amangiva,  
egh ua dagh nighnighan kogham."

13 Akar Dikirizir Gavgavir Igiar kam, God an  
gun migia egha maghira Akar Dikirizir Gavgavir  
faragha zuim gamizima a ghurigha bar gifa. E fo,  
bizitam ghurighiva a bar dughiar otevimin ikegh  
bar givagham.

## 9

*Ofa gamir gumazibar dapaniba fomira asizibar  
ghuzibar ofabagh ami*

1 E fo, God Akar Dikirizir Gavgavir faragha  
itim, Israelia ganiga Godin ziam fer araziba sara  
me ganingi. Egha ghaze, me Godin Dipenir  
gumaziba ingarizimin aven an ziam fam. 2  
Me Godin Purirpenir mamın ingarizi danganir  
pumuning an iti. Purirpenir kamın aven itir  
danganir me faragha aven mangamim, a lamın  
aghorim ko bret itir dakozir Godin damazimin

---

**8:11:** Ais 54:13, Jo 6:45, 1 Jo 2:27    **8:11:** Aisaia 54:13; Jon 6:45;  
1 Jon 2:27    **8:12:** Ro 11:27, Hi 10:17    **8:12:** Rom 11:27; Hibru  
10:17    **9:1:** Kis 26:1-30    **9:1:** Ua Me Ini 26:1-30    **9:2:** Kis  
25:23-40, 26:1-30    **9:2:** Ua Me Ini 25:23-40; 26:1-30



itimın iti. Danganir kam me kamagh a dıbori, “Anogoroghezir Danganim.” <sup>3</sup> Egha me inir bar ekiam, birimın mın Anogoroghezir Danganimın girakirangın anegura. Ezi inir kamın girakirangın danganir igharazir mam uaghan iti, me kamagh a dıbori, “Bar Anogoroghezir Danganim.” <sup>4</sup> Ezi danganir kamın aven bizir kaba iti: Pauran mughuriar aghuim tuamin ofa gamir dakozim, me gol an pogha a noke, ko Godın Akar Dikirizir Gavgavimın Boksiam. Boksiam kam me gol an poghava a noke. Egha Boksiamın aven me golın miner manan daghem itim a gati. Egha me Aron fomıra suirazir asadivir aghorim a gati, asadivir aghorir kam ghuziba an oto. Egha me Dagiar Godın Akar Dikirizir Gavgavimın Osizirim itimning, me uaghan aning Boksiam kam gati.\* <sup>5</sup> Ezi Boksiam kamın asuam, a danganir gumazamizibar arazir kuraba gın amadim. Ezi enselin mın garir bizimning Boksiam gisın ikia, egha aningın avıziba an asuam avara. Bizir kamning Godın danganimın ababanim gamua ghaze, God gumazamiziba ko iti. Ezi datırighın ki bizir kabar mın gariba bar dar gun mikemeghan kogham.

<sup>6</sup> Me kamagh bizibar ingarigha egha dughiba bar ofa gamir gumaziba Godın Purirpenimın

---

**9:3:** Kis 26:31-33    **9:3:** Ua Me Ini 26:31-33    **9:4:** Kis 16:33, 25:10-16, 30:1-6, Nam 17:8-10, Lo 10:3-5    **9:4:** Ua Me Ini 16:33; 25:10-16; 30:1-6; Dıboboniba 17:8-10; Godın Araziba 10:3-5    \* **9:4:** Daghem mana, kar God fomıra Israelian gumazamizir nguazir kinimın aruizibagh aningizir daghem. Ni Ua Me Ini sapta 16 ko Onger Akaba sapta 78:24ın gan.    **9:5:** Kis 25:18    **9:5:** Ua Me Ini 25:17-18    **9:6:** Nam 18:2-6    **9:6:** Dıboboniba 18:2-6

azenan itir danganimin aven ghua uan ingan-  
garibagh ami. <sup>7</sup> Ezi ofa gamir gumazibar dapanim  
uabira Bar Anogoroghezir Danganimin aven zui.  
Azeniba vaghvagha, a dughiar vamiran aven zui.  
Egha a purama aven zuir puvati. An asizibar  
ghuziba inigha aven zui. Egha ghuzir kamın  
a uan arazir kuraba gin amangasa ofa gamua,  
egha gumazamizir deragha nighnizir puvatizibar  
arazir kuraba, da gin amangasa ofabagh ami.  
<sup>8</sup> Ezi Godin Duam arazir kamın bizir mam en  
aka, Godin Purirpenimın azenan itir danganim  
ikiavira itima, ezi tuavir e Bar Anogoroghezir  
Danganimin aven mangamim an en piri.† <sup>9</sup> Godin  
Purirpenimın eghaghanir kam, a bizir datirighin  
e bativamibar ababanim gami. Purirpenir kamın  
aven, me asiziba ko bizir guar bar avirir aghuiba  
ofabar mın God ganiga egha an ziam fe. Ezi bizir  
kaba bar gumazir Godin ziam febar navir averi-  
atam akirighan kogham, eghti me kamaghin fogh  
suam, me arazir kuraba pu. Bar puvati. <sup>10</sup> Bizir  
Godin ofa gamir kaba, da dagheba apir arazim  
ko dipaba apir arazim ko arazir avirir gumazibar  
amuti me zueghamin arazimra. Da inivafizimın  
bizibara. God ofa gamir arazir kaba gumazibagh  
aningizi, me dar gin zui, eghti God gin bar moghira

---

**9:7:** Kis 30:10, Wkp 16:2-34, Hi 5:3, 7:27      **9:7:** Ua Me Ini 30:10;  
Ofa Gami 16:2-34; Hibru 5:3; 7:27      **9:8:** Jo 14:6, Hi 10:19-20      **9:8:**  
Jon 14:6; Hibru 10:19-20      † **9:8:** Grighin akam deragha akar kaba  
abigha dar gun mikemezir puvati.      **9:9:** Ga 3:21, Hi 7:18-19, 10:1-2  
**9:9:** Hibru 7:18-19; 10:1-2      **9:10:** Wkp 11:2, 11:25, 15:18, Nam  
19:7, 19:11-13, Ef 2:15, Kl 2:16, 2:20, Hi 7:16      **9:10:** Ofa Gami  
11:2; 11:25; 15:18; Diboboniba 19:7; 19:11-13; Efesus 2:15; Kolosi  
2:16; 2:20

bizibar kirighi bizir igiaba otivam.

*Krais uabi uan ghuzim isava ofa gami*

<sup>11</sup> Ezi datirighin Krais otogha gifa, egha bizir aghuir otivigha givazibar Ofa Gamir Gumazibar Dapanimin iti. A Purirpenir aghuir kamın aven ghua e bagha ingari. Purirpenir kam Purirpenir faragha ikezim bar a gafira. Gumazitam dipenir kam uan dafarimningin an ingarizir puvati. Bar guizbangira kar nguazir kamın bizim puvati. <sup>12</sup> Ezi Krais bulmakaun apurim ko memen ghuzitam inigha egha Bar Anogoroghezir Danganimin aven ghuzir pu. Puvati. A uabi uan ghuzim isa ofa gamigha dughiar vamiran danganir kamın aven ghu. Egha en akurazi, e ikirimirir aghuarir zurara itim ini. <sup>13</sup> E fo, gumazamiziba Godin damazimin mizeghtima, ofa gamir gumaziba memen ghuzim ko bulmakaun apurimin ghuzim ko bulmakaun nguzir aborozir bar isizimin sirim inigh, gumazamizibagh isin a kavkinam. Me kamaghin damighti, arazir kam Godin damazimin mizezir araziba batueghti gumazamiziba ua zuegham. <sup>14</sup> Ezi Kraisin ghuzim asizibar ghuzim bar a gafira! Krais arazir kuratamin osimtizitam an itir pu. Bar puvati. Godin Duar zurara itimin gavgavimin, a ofan min uabi isa God ganingi. Kamaghin amizi, an ghuzim en inivafizibarama amizi da zuezir pu.

**9:11:** Hi 3:1, 8:2, 10:1    **9:11:** Hibru 3:1; 8:2; 10:1    **9:12:** Dan 9:24, Hi 9:26, 10:4, 1 Pi 1:19    **9:12:** Hibru 9:26; 10:4; 1 Pita 1:19

**9:13:** Wkp 16:3, 16:14-16, Nam 19:9, 19:17-19, Hi 10:4    **9:13:** Ofa Gami 16:3; 16:14-16; Diboboniba 19:9; 19:17-19; Hibru 10:4    **9:14:** Ro 6:13, 6:22, Ef 5:2, Ta 2:14, Hi 6:1, 1 Pi 1:18-19, 1 Jo 1:7    **9:14:** Rom 6:13; 6:22; Efesus 5:2; Taitus 2:14; Hibru 6:1; 1 Pita 1:18-19; 1 Jon 1:7

Puvati. A en navir averiamin aven itir arazir kuraba agivazi, e kamaghin fo, e Godin damazimin bar zuegha iti. Kamaghin amizi, e ua arazir ghurir angamira itir puvatizir kabar gin mangan kogham, egh e Godin zurara angamira itimin ingangarim damuam.

*Kraisin ghuzim, Akar Dikirizir Gavgavir Igiar gavgavim a ganingi*

<sup>15</sup> Kraisin ghuzim e gamizima e Godin damazimin bar zue. Egha an aremegha gumazamizibagh ivezegha men arazir kurar me Akar Dikirizir Gavgavir faragha ikezimin dughiamin amiziba, da gin amada. Kamaghin, Iesus Akar Dikirizir Gavgavir Igiar kam gavgavim a ganiga egha an abuir gumazimin iti. Kamaghin amizi, gumamazir Godin dindiam baregha an gin zuiba, me God fomira uan boribar aningasa mikemezir ikirimirir kam iniam. God kamaghin akam akira ghaze, me zurazurara ikivira ikiam.

<sup>16</sup> Gumazim nighnigh suam, a gin aremegham, egh suam gumazir manam an biziba iniam, egh an akinafarim osirigham. Kar mati an Akar Dikirizir Gavgavim. Eghti borim Akar Dikirizir Gavgavir kam in gin mangi, egh afeziam a gin-abazir biziba iniam. Eghti gumaziba deragh fogh suam, afeziam aremegha gifa, egh me biziba bar an borimin tegham. <sup>17</sup> E fo, gumazir akam akirizir

---

**9:15:** Ro 5:6, 1 Ti 2:5, Hi 3:1, 7:22, 8:6, 1 Pi 3:18    **9:15:** Rom 5:6; 1 Timoti 2:5; Hibru 3:1; 7:22; 8:6; 1 Pita 3:18    **9:17:** Ga 3:15    **9:17:** Galesia 3:15

kam angamira ikivira ikiti, an Akar Dikirizir Gav-gavim pura iki ingangariba puvatigham. Eghti gu-mazir kam aremegham, eghti Akar Dikirizir Gav-gavir kam gavgavim iki daghem otogham. <sup>18</sup> Ezi kamaghira, me asizim misoghezi an aremezi, me an ghuzim inge, egha tuavir kamra Akar Dikirizir Gavgavir faragha ikezim gamizima, a gavgafi. <sup>19</sup> Dughiar kamın, Moses faragha Godın Akar Gavgaviba, bar dar gun gumamazibav keme. Akar kaba, da Moses Osirizir Arazibar aven iti. Egha a gın bulmakaun apuribar ghuzim ko memeb-bar ghuzim inigha dipam sara da vere. Egha a, isopin temer agharir me benir aghevimin ikezim, benir kam me sipsipin arizibar an ingari, Moses a inigha ghuzim gati. Egha an anesigha temer agharir kamın ghuzir muziarim inigha Akar Gav-gavimin itir Akinafarim ko gumamaziziba bar me gisin a kavamadi. <sup>20</sup> Egha a kamaghın migei, “Kar ghuzir Akar Dikirizir Gavgavir kam gav-gavim a daningamim. God Akar Gavgavim ia ganiga ghaze, ia Akar Dikirizir Gavgavir kamın gın mangi.” <sup>21</sup> Kamaghira Moses ghuzir muziarim inigha Godın Purirpenim ko Godın ziam fer biz-ibagh isin a kavamadi. <sup>22</sup> Guizbangira, e ti kam-agh mikim suam, Moses Osirizir Araziba ghaze, ghuzimra bizibar amighti, da Godın damazimin bar zuegham. Eghti me bizitam misuegh an

**9:18:** Kis 24:6      **9:18:** Ua Me Ini 24:6      **9:19:** Kis 24:3-8, Wkp 14:4-7, 16:14-15      **9:19:** Ua Me Ini 24:3-8; Ofa Gami 14:4-7; 16:14-15      **9:19:** Ua Me Ini 24:6-8      **9:20:** Kis 24:8, Mt 26:28  
**9:20:** Ua Me Ini 24:8; Matyu 26:28      **9:21:** Kis 29:12, 29:36, Wkp 8:15, 8:19      **9:21:** Ua Me Ini 29:12; 29:36; Ofa Gami 8:15; 8:19  
**9:22:** Wkp 17:11, Ef 1:7      **9:22:** Ofa Gami 17:11; Efesus 1:7

ghuzim inigh a ingeghan koghti, God gumamazibar arazir kuraba gın amadaghan kogham.

*Krais arazir kuraba gın amangasa, uabıra uabın ofa gami*

<sup>23</sup> Ezi bizir Godın Purirpenimın itir kaba, da pura Godın Nguibamın itir bizibar ababaniba. Ezi me asızir ghuziba isa a dagh amima da zuegha Godın damazimın zue. Eghti Godın Nguibamın itir bizibar amightı da guızın zueghsi, ofan bar aghuim iki, asızibar ofabagh afiragham. <sup>24</sup> E fo, Krais gumaziba uan dafaribar ingarizir Anogoroghezir Danganımın aven ghuzir pu, danganir kam, a pura guızın Godın Dıpenimın ababanım. Puvati. A guizbangıra Godın Nguibamın aven ghu. Egha datırighın an e bagha God ko mikimasa, Godın damazimın tughav ikia en akurvasi. <sup>25</sup> E fo, azeniba bar, Ofa Gamir Gumazibar Dapanım asızibar ghuziba isa egha Bar Anogoroghezir Danganımın aven zui. Ezi Iesus kamagh amızir puvati, a Godın Nguibamın ghugha ofan mın uabi uabi isa God ganıngi. Egha a dughiar avıribar a gamızir puvati. <sup>26</sup> A dughiar avıribar kamaghın damuvıra iki, egh a dughiar avıribar mızaziba ini mamaghıra ikiam, dughiar God nguazir kamın ingarizimın ikegha iza datırıkın. Ezi puvati. Datırighın dughiar abuanamın Krais dughiar bar vamıran nguazimın

---

**9:23:** Hi 8:5, 10:1    **9:23:** Hibru 8:5; 10:1    **9:24:** Ro 8:34, Hi 6:20, 8:2, 1 Jo 2:1    **9:24:** Rom 8:34; Hibru 6:20; 8:2; 1 Jon 2:1    **9:26:** 1 Ko 10:11, Ga 4:4, Hi 7:27, 9:12, 1 Pi 3:18    **9:26:** 1 Korin 10:11; Galesia 4:4; Hibru 7:27; 9:12; 1 Pita 3:18

ize, egha gumamazibar arazir kuraba gın aman-gasa ofan mın uabıra uabi isa God ganıngi.

<sup>27</sup> Gumaziba bar dughiar vamıran ovegh egh gın Godın kotiamın otivam. <sup>28</sup> Kamaghıra, Kraıs gumazir avıribar arazir kurabar osımtıziba at-erasa, dughiar vamıran ofan mın uabi isa God ganıgha areme. Egh gın a dughiar namba 2ın ua izam, egh dughiar kamın an arazir kuraba gın amangısi izan kogham. Puvati. A gumazir a mızua itiba guizbangıra men akurvagh me iniam.

## 10

*Ofan me fomıra amıba, da arazir kuraba gın amadır puvati*

<sup>1</sup> Moses Osirizir Arazibar aven, e pura guızın bizir gın otivamıbar ababanıba ko nedazıbar gari. Ezi a guizbangın deravıra bizir kabar en akazir puvati. Moses Osirizir Arazıba ghaze, me ofan kamaghın garıbara, zurara azenıba bar dar amu. Kamaghın amızı, e fo, gumamazir Godın boroghın zuıba, Moses Osirizir Arazibar gın mangı ofan kabar amıghtı, ofan kaba me akırıghtı, me deraghvıram otoghan kogham. Puvati. <sup>2</sup> Ezi ofan kamaghın garım gumamazıbagh amızı me bar zuegha, uam ofabagh amuan koghai. Egha

---

**9:27:** Stt 3:19, Sav 3:20, Aıs 53:12, 2 Ko 5:10, Fl 3:20, 2 Ti 4:8, Hi 10:10, 1 Pi 2:24, MAA 20:12-13    **9:27:** Jenesis 3:19; Fofozir Gumazım 3:20; Aısaia 53:12; 2 Korın 5:10; Filipai 3:20; 2 Timoti 4:8; Akar Mogomem 20:12-13    **9:28:** Aıs 53:12, Ro 6:10, Ta 2:13, 1 Pi 2:24, 2 Pi 3:12, 1 Jo 3:5    **9:28:** Aısaia 53:12; Rom 6:10; Taitus 2:13; 1 Pita 2:24; 2 Pita 3:12; 1 Jon 3:5    **10:1:** Kl 2:17, Hi 8:5, 9:9-11, 9:23, 10:4    **10:1:** Kolosi 2:17; Hibru 8:5; 9:9-11; 9:23; 10:4

asizibar ofan vamirama, God bagha ingarir gumazibagh amizi me zuegha, uan navir averiabar aven ua kamaghin nighnighan koghai, e arazir kuraba iti. <sup>3</sup> Ezi puvati. Azenibar zurara, asizibar ofan kaba me gamima me ua uan arazir kurabagh nighnisi. <sup>4</sup> Bizir kamın mingarim kamakın: bulmakaun apuriba ko memen ghuziba, da arazir kuraba gın amadaghan kogham. Bar puvati.

<sup>5</sup> Ezi bizir kam bagha, Kraıs nguazir kamın izasava amir dughiamın a kamaghin God miğia ghaze:

“Ni guizbangira, asizibar ghuziba ko bizir ofan  
mın me ni ganidiba,  
ni bizir kabagh ifongezir puvatigha  
da inian aghua.  
Kamaghin ni mikarzir mam na daningasa an  
ingari.

<sup>6</sup> Ofan bar isia mighiriba ko,  
arazir kuraba gın amadir ofaba,  
da ni gamima ni dar agorogem itir puvati.

<sup>7</sup> Ezi ki kamaghin miğei,  
‘God, kira kara.  
Moses fomira nan gun Akinafarir  
righizimın aven osirizi moghin.

Datirighin ki izegha gifa,  
egha nin ifongiamın gın mangasava ami.’”

---

**10:3:** Wkp 16:21, Hi 9:7      **10:3:** Ofa Gami 16:21; Hibru 9:7  
**10:4:** Mai 6:6-7, Hi 9:13, 10:11      **10:4:** Maika 6:6-7; Hibru 9:13;  
10:11      **10:5:** Ais 1:11, Amo 5:21-22      **10:5:** Aisaia 1:11; Amos  
5:21-22      **10:5:** Onger Akaba 40:6-8



<sup>8</sup> A faragha ofabav gei, ofan kaba, Moses Osirizir Arazibar amuasa mikeme. A kamaghin migei, “Ni asizibar ghuziba ko, bizir me ofan min ni ganidiba ko, ofan bar isia mighiriba ko, arazir kuraba gin amadir ofaba, ni bar dagh ifongezir puvatigha da inian aghua.” <sup>9</sup> Egha a gin kamaghin migei, “God, kira kara. Datirighin ki izegha gifa, egha nin ifongiamin gin mangasava ami.” Kamaghin amizi God ghaze, ofa gamir arazir ghuriba, da gavgaviba puvatigha, gifa. Ezi ofa gamir arazir igiam, an danganim inigha gavgavim ikia ingari. <sup>10</sup> Krais Iesus a Godin ifongiamin gin ghua, egha dughiar bar vamira uabi uan mikarzim isa ofan min en arazir kuraba bagha God ganingi. Ezi arazir kamın an e gamizi, e Godin damazimin zuegha an gumazamizibar otifi.

*Kraisin ofa, a guizbangira arazir kuraba gin amangam*

<sup>11</sup> Godin ofa gamir gumaziba bar, me zurara tuivava ofabagh ami. Egha me ofan magh gariba, dughiar aviribar dagh ami. Ezi ofan kaba, da arazir kuratam gin amadaghan kogham. <sup>12</sup> Ezi Krais arazir kuraba gin amangasa uabi uan mikarzim dughiar vamiran a isa ofan min God ganingi. An ofan kamın gavgavim ikivira iki ingar mangivira ikiam. A kamaghin amigha givagha, Godin agharir guvimin amadaghan aperaghav

---

**10:10:** Jo 17:19, Hi 9:12, 9:28, 13:12      **10:10:** Jon 17:19; Hibru 9:12; 9:28; 13:12      **10:11:** Kis 29:38, Nam 28:3, Hi 7:27, 10:4  
**10:11:** Ua Me Ini 29:38; Diboboniba 28:3; Hibru 7:27; 10:4  
**10:12:** Kl 3:1, Hi 1:3      **10:12:** Kolosi 3:1; Hibru 1:3      **10:12:** Onger Akaba 110:1

ikia mamaghira iti. <sup>13</sup> Egha a, God an apaniba isi an apengan darighamin dughiam bagha mizua iti. <sup>14</sup> A ofan vamira gamua egha tuavir kamın gumazamizir Godın damazimın zueziba, a me akirizi me bar deraviram oto, egh iki mamaghira ikiam.

<sup>15</sup> Ezi Godın Duam uaghan bizir kamın gun e mikeme:

<sup>16</sup> “Ekiam kamaghın miġia ghaze,  
 ‘Gin izamin dughiam otoghti,  
 ki Israelia ko Akar Dikirizir Gavgavim  
 damighti,  
 eghti a kamaghın mangam:  
 Ki uan araziba men nighnizibar arigh,  
 egh da isi men navir averiabar da osiram.  
 Egh ki men Godın ikitima  
 me nan gumazamizibar ikiam.’”

<sup>17</sup> Egha gin a ua ghaze:

“Ki men arazir kuraba gin amadagh  
 ua dagh nighnighan kogham.”

<sup>18</sup> E kamaghın ganigha fo, God arazir kuraba gin amadazi, kamaghın uam arazir kuraba gin amangamin ofaba, da ua ingangariba puvati.

*E guizbangira nighnizir gavgavim ikiva egh  
 Godın boroghira mangam*

**10:13:** Ap 2:35, 1 Ko 15:25, Hi 1:3  
 15:25   **10:16:** Jer 31:33, Hi 8:10  
 8:10   **10:17:** Jer 31:34, Hi 8:12  
 8:12

**10:13:** Aposel 2:35; 1 Korin  
**10:16:** Jeremaia 31:33; Hibru  
**10:17:** Jeremaia 31:34; Hibru

<sup>19</sup> Kamaghın amizi, nan adarasi, Iesusın ghuzim en arazir kuraba gın amadagha gıfa. Egh tuavir kamın e Bar Anogoroghezir Danganımın aven mangı egh atiatingan kogham. <sup>20</sup> Iesus are-megha ua angamıra iti, an e bagha tuavir igiar kam kui, tuavir ikia mamaghıra itim. A tuavir kamın inir ekiar kamın girakirangın ghua danganir kamın aven ghu, inir kam a danganir kamın tiar akamın mın guraghav iti. Ezi inir kam, a mati an mikarzimın ovevemra. Eghti e tuavir kamın danganir kamın aven mangam.\*

<sup>21</sup> E Ofa Gamir Gumazibar Dapanım iti, ezi a Godın gumazamiziba bar men gara me gatıfa. <sup>22</sup> A uan ghuzim isa en navir averiaba dav kınizi an e akırizi, e kamaghın fo, e arazir kuraba puvatıgha Godın damazımın bar zue. Egha a dipar bar dikiriamın en mikarziba rue. Kamaghın amizi, ifavarir arazir en navir averiabar itiba, e bar ada ateghıva, okam nıghnıghan kogh nıghnızir gavgavım Godın iki, egh an boroghın

---

**10:19:** Ro 5:2, Ef 2:18, 3:12, Hi 4:16, 9:8, 9:12      **10:19:** Rom 5:2; Efesus 2:18; 3:12; Hibru 4:16; 9:8      **10:20:** Mt 27:51, Jo 10:9, 14:6, Hi 9:3, 9:8      **10:20:** Matyu 27:51; Jon 10:9; 14:6; Hibru 9:3;

9:8      \* **10:20:** Bar Anogoroghezir Danganir kam, kar God uabi itir danganım. Fomıra ofa gamir gumazibar dapanımra danganir kamın an an aven zui. Ezi datırıghın Iesus amızir ingangarımın, e bar moghıra Godın boroghın mangam. Kamaghın amizi, me Iesusın mikarzim abıghızı a ter ıghuvımın ovengezi, inir ekiar Bar Anogoroghezir Danganımın itiar akam itim tongıra bighiaghırıgha akuar pumuning oto. Nı Mak 15:38ın gan.      **10:21:** 1 Ti 3:15, Hi 4:14      **10:21:** Hibru 4:14      **10:22:** Wkp 8:30, Ese 36:25, Ef 3:12, 5:26, Hi 9:14, Je 1:6, 1 Jo 3:21      **10:22:** Ofa Gami 8:30; Esekıel 36:25; Efesus 3:12; 5:26; Hibru 9:14; Jems 1:6; 1 Jon 3:21

mangam. <sup>23</sup> E fo, bizir God ingarasa akam akiriziba, a bar guizbangira dar ingaram. Kamaghin amizi, e uan nighnizir gavgavibar gun migia ghaze, bizir aghuir e fogha iniamiba bagha mizua iti. Egh e uan nighnizir gavgavim in suiragh bar gavgavigham. <sup>24</sup> E vaghvagh God in gumazamizir igharazibagh nighnighiva, me damuti men naviba dikavti, me igharaz darazigh ifuegh, arazir aghuibar me damuam. <sup>25</sup> Ezi e God in gumazamiziba, e uari akuvir arazim ataghiraghan kogham, mati gumazamizir maba ami mok in. Kamaghin marki. E fo, Dughiar Ekiam Gumazamiziba Tuisighamim, a roghira izi. Kamaghin amizi, e vaghvagh pamtem ingariva, igharaz darazir akurvagh egh gavgavim me daningam.

*E God in Otarim akirim ragh a gasan kogham*

<sup>26</sup> Ia oragh. E guizin akam gifogh a inigh, egh gin mikim suam, marki, egh uan ifongiabar gin mangi arazir kurabar amuvira ikiam, eghti kamaghin ua ofa damuamin tuavir igharaziba puvatigham. <sup>27</sup> Ezi bizir e damuamin mam kamaghin iti: E atiatir kuram damuva God in Kotiam in Dughiam ko, avir bar puvira isim mizuamam. Avir kam God in apanibar isi me gasighasigham. <sup>28</sup> E fo, gumazitam Moses Osirizir Arazitam

---

**10:23:** 1 Te 5:24, 2 Te 3:3, Hi 4:14, 11:11      **10:23:** 1 Tesalonika 5:24; 2 Tesalonika 3:3; Hibru 4:14; 11:11      **10:25:** Ro 13:11, Fl 4:5, Hi 3:13, 2 Pi 3:9-11, 3:14      **10:25:** Rom 13:11; Filipai 4:5; Hibru 3:13; 2 Pita 3:9-11; 3:14      **10:26:** Nam 15:30, Hi 6:4-8, 2 Pi 2:20-21  
**10:26:** Diboboniba 15:30; Hibru 6:4-8; 2 Pita 2:20-21      **10:27:** Ais 26:11, Hi 12:29      **10:27:** Aisaia 26:11; Hibru 12:29      **10:28:** Lo 17:6, 19:15, Jo 8:17, 2 Ko 13:1      **10:28:** God in Araziba 17:6; 19:15; Jon 8:17; 2 Korin 13:1

baraghan aghuagham, eghti gumazir pumuning o pumuning ko mikezim ganigh egh an gun mikemegham, eghti me an apangkuvan marki, me a misueghti an aremegh. <sup>29</sup> Ia manmaghin gumazir akirim ragha Godin Otarim gasarazim ginighnisi? Gumazir kam a bar osimtizer ekiam iniam. Egh an ivezir kuram, gumazir Moses Osirizir Araziba batoghezimin ivezir kuram, bar a gafiragham. Kraisin ghuzim Akar Dikirizir Gavgavir Ighiam gamima a gavgafi. Ezi ghuzir kam gumazir kam gamizima a zuegha Godin gumazimin oto. Egha datirighin gumazir kam a Kraisin ghuzim migia ghaze, a pura bizim. Egha a, Godin Duar apangkuvim en itim, an tiragha akaba a gasi. <sup>30</sup> Ezi e fo, God kamaghin mikeme, "Arazir kuraba ikarvaghamin ingangarim, ka nan bizim. Ki uabi men arazir kuraba ikarvagh egh ivezir kuraba me daningam." Egha ua kamaghin migei, "Ekiam uabi uan gumamazibar araziba tuisigham." <sup>31</sup> Kamaghin, Godin ikia mamaghira itim, a tavin suiragh ivezir kuram a daningam, eghti gumazir kam guizbangiram atiatingam.

*E nighnizir gavgavimin suiragh gavgavigham*

<sup>32</sup> Ia dughiar faragha ghuzim uam a ginighnigh, dughiar ia Akar Aghuimin angazangarim inigha nighnizir gavgavimin an itim. Dughiar kam in

---

**10:29:** Kis 24:8, 1 Ko 11:29, Ef 4:30, Hi 12:25, 13:20    **10:29:** Ua Me Ini 24:8; 1 Korin 11:29; Efesus 4:30; Hibru 12:25    **10:30:** Lo 32:35-36, Sng 50:4, 135:14, Ro 12:19    **10:30:** Godin Araziba 32:35-36; Onger Akaba 50:4; 135:14; Rom 12:19    **10:31:** Lu 12:5  
**10:31:** Luk 12:5    **10:32:** Ga 3:4, Fl 1:29-30, Kl 2:1, Hi 6:4    **10:32:** Galesia 3:4; Filipai 1:29-30; Kolosi 2:1; Hibru 6:4

me osimtizir ekiaba ia garizima, ezi ia mizazir aviriba ini. Egha ia tuivigha gavgavizi osimtizir kaba ia dikabirazir puvati. <sup>33</sup> Ezi dughiar maba me gumamazibar damazibar ia afima ia tuivav iti, ezi me dibovir akabar ia migia egha paza ia gami. Egha dughiar mabar osimtizir kamagh gariba aterir gumaziba, ia men puegha me ko iti. <sup>34</sup> Egha dughiar me ian marazi isa kalabus gatizim, ia men kuarkuva deravira me gami. Ezi dughiar me ian biziba suiragha inigha ghuziba, pura men gara bar akuegha iti. Ia kamaghin guizbangira fo, ian bizir ia gin iniamiba Godin Nguibamin ia mizua ikia mamaghira iti.

<sup>35</sup> Kamaghin, ia arazir aghuir ia faragha amiz-ibagh nighnigh, uan nighnizir gavgavir kam deragh an suiragh, egh bizir kinimin min puram a makunan marki. Egh ia kamaghin damuva ivezir aghuir ekiam iniam. <sup>36</sup> Ia Godin ifongiamin gin mangiva, egh bizir aghuir a fomira ia daningasa akam akiriziba, ia da inisi, tuivigh gavgavigh iki. <sup>37</sup> Guizbangira, Godin Akinafarim kamaghin mikeme:

“Dughiar bar ovezim  
gumazir izamim,  
a izam.

---

**10:33:** 1 Ko 4:9, Fl 1:7, 4:14, 1 Te 2:14    **10:33:** 1 Korin 4:9; Filipai 1:7; 4:14; 1 Tesalonika 2:14    **10:34:** Mt 6:20, 19:21, 19:29, Lu 12:38, Ap 5:41, Fl 1:7, Je 1:2    **10:34:** Matyu 6:20; 19:21; 19:29; Luk 12:38; Aposel 5:41; Filipai 1:7; Jems 1:2    **10:35:** Mt 5:12, 10:32    **10:35:** Matyu 5:12; 10:32    **10:36:** Lu 21:19, Ga 6:9, Kl 3:24, Hi 6:12, 9:15, 12:1    **10:36:** Luk 21:19; Galesia 6:9; Kolosi 3:24; Hibru 9:15; 12:1  
**10:37:** 2 Pi 3:9    **10:37:** 2 Pita 3:9    **10:37:** Habakuk 2:3-4

A bar zuamira izegham.

<sup>38</sup> Ezi nan damazimin derazir gumaziba,  
me nighnizir gavgavim nan iki,  
kamaghin me angamira ikivira ikiam.  
Eghti men tav uan nighnizir gavgavim ategh  
akirim ragh na gasaraghti,  
ki a gakueghan kogham.”

<sup>39</sup> Ezi eia, e gumazamizir akirim ragh God  
gasaragh ovengamiba pu. Bar puvati. E nighnizir  
gavgavim Godin iki ikirimirir aghuarir zurara itim  
iniamiba.

## **E nighnizir gavgavim Godin ikiva tugh gavgavigham**

# **11**

*(Sapta 11--13)*

*Nighnizir gavgavimin mingarim*

<sup>1</sup> Nighnizir gavgavimin arazim a kamakin.  
E guizbangira kamaghin fo, bizir aghuir God e  
daningasa mikemezi e zuai itiba, e guizbangira da  
iniam. Egha e bar fo, bizir en damaziba ganizir  
puvatiziba, da guizbangira gin otivam. <sup>2</sup> Gumazir  
fomira itiba, me nighnizir gavgavim Godin iti, ezi  
God me gakuegha, gumazir aghuiba me garisi.

<sup>3</sup> E nighnizir gavgavim ikia, egha e fo, God uan  
akamin overiam ko nguazim ingarizi da otifi. Ezi

---

**10:38:** Ro 1:17, Ga 3:11    **10:38:** Rom 1:17; Galesia 3:11    **10:39:**  
1 Te 5:9, 2 Te 2:14, 2 Pi 2:20-21    **10:39:** 1 Tesalonika 5:9; 2  
Tesalonika 2:14; 2 Pita 2:20-21    **11:1:** Ro 8:24-25, 2 Ko 4:18, 5:7  
**11:1:** Rom 8:24-25; 2 Korin 4:18; 5:7    **11:3:** Stt 1:1, Sng 33:6,  
33:9, Jo 1:3, 2 Pi 3:5    **11:3:** Jenesis 1:1; Onger Akaba 33:6; 33:9;  
Jon 1:3; 2 Pita 3:5

kamaghin, e garir biziba, God bizir e ganighan koghamiba, bar dar ingari.

*Abel ko Enok ko Noa, me nighnizir gavgavim Godin iti*

<sup>4</sup> Abel nighnizir gavgavim Godin ikia, egha bizir kam bagha Godin ofa gami. An ofa Godin damazim bar deragha, Keinin ofa gafira. Abel nighnizir gavgavim Godin iti, ezi bizir kam bagha God Abelin bizir aghuir an a ganidim bagha ifonge. Ezi bizir kam kamaghin en aka, God a migia ghaze, a gumazir aghuim. Abel an aremegha gifa. Ezi an nighnizir gavgavir kam, datirighin an akamin gun e migiavira iti.

<sup>5</sup> Ezi Enok uaghan nighnizir gavgavim Godin iti. Ezi bizir kam bagha God a inigha uan Nguibamin ghuavanabozu an aremezir puvati. Ezi gumazamiziba a buria, an apizir Puvati, God a inigha ghuavanabo. Godin Akinafarim ghaze, God tighar Enok iniamin dughiamin, an araziba bar Godin damazimin derazi an a bagha bar akonge. <sup>6</sup> Ezi gumazir nighnizir gavgavim Godin itir puvatizim, a Godin ifongiamin gin mangan koghti an a bagh bar akongeghan kogham. Guizbangira, gumazir Godin boroghira mangasava amim, a nighnizir gavgavim kamaghin iki, God a iti. Egh a nighnizir gavgavim kamaghin iki, God deravira gumazamizir a buribagh ami.

---

**11:4:** Stt 4:3-10, Hi 12:24, 1 Jo 3:12    **11:4:** Jenesis 4:3-10; Hibru 12:24; 1 Jon 3:12    **11:5:** Stt 5:21-24    **11:5:** Jenesis 5:21-24



<sup>7</sup> Ezi Noa uaghan kamaghira nighnizir gavgavim Godin iti. Ezi God bizir gin otivamibar gun a mikeme. Kar bizir Noa tighar ganamiba. Egha a nighnizir gavgavim Godin akamin ikia, egha bizir kam bagha a kurir mamın ingari. Egha uan amuiroghboriba ko, me kurimın aven ghuezi, bizitam me gasighasizir puvatizi, me deravira iti. Ezi Noan nighnizir gavgavir kam, a nguazimın itir gumazamizir igharaziba bar, men arazir kuraba da aghurigha azenim gati. Noa nighnizir gavgavim Godin itima, God bizir kamın a migia ghaze, a nan damazimın bar gumazir aghuim. Ezi God bar gumazir nighnizir gavgavim an itiba, a bar kamaghira me gami.

*Abraham ko Sara nighnizir gavgavim Godin iti*

<sup>8</sup> Ezi uaghan Abraham nighnizir gavgavim Godin iti. Egha bizir kam bagha God an diazir dughiamın, Abraham Godin akamin gin ghua, egha uan nguibam ataki. Egha a nguibar God a daningasa akam akirizimın ghu, kar guizın an nguibamra. Ezi Abraham fozir puvati, a managh mangam. Egha a nighnizir gavgavim ikia egha a zui. <sup>9</sup> A nighnizir gavgavim ikia ghua nguazir kamın apera, nguazir God fomira a daningasa akam akirizim. Egha a nguazir kam gaperagha mati nguibar igharazimın gumazim. A Purirpenim gaperaghav iti, moghin Aisak ko

---

**11:7:** Stt 6:13-22, 7:1, Ro 3:22, 4:13, 1 Pi 3:20      **11:7:** Jenesis 6:13-22; 7:1; Rom 3:22; 4:13; 1 Pita 3:20      **11:8:** Stt 12:1-5, Ap 7:2-4

**11:8:** Jenesis 12:1-5; Aposel 7:2-4      **11:9:** Stt 12:8, 13:3, 13:18, 18:1, 18:9, 26:3, 35:12, 35:27, Hi 6:17      **11:9:** Jenesis 12:8; 13:3; 13:18; 18:1; 18:9; 26:3; 35:12; 35:27; Hibru 6:17

Jekop uaghan uan purirpenibagh apiaghav iti, gumazir kamning God nguazir kam ginighnigha egha uaghan akar kam aning bagha anakiri. <sup>10</sup> Abraham zurara nighnizir gavgavim ikia nguibar ekiar gavgavigha itir kamın ganasa mızua iti. Nguibar ekiar kam, God uabıra tuavir an ingaramibagh nighnigha, egha uabi an ingari.\*

<sup>11</sup> Ezi Sara uaghan nighnizir gavgavim Godın iti. A guizbangın bar ghurigha boritam batan kogham. Egha a nighnizir gavgavim iti. Egha borim batamin gavgavim ini. Sara kamaghın nighnisi, “God na miǵia ghaze, ‘Ni boritam batam,’ egha akam kiri. Ki fo, God guizbangıra mikeme.”

<sup>12</sup> Kamaghın, gumazir kam Abraham a ghurigha egha aremeghasava ami, egha an ovavir borir aviribar afeziamin oto. Ezi an ovaviba otiva bar aviraseme, mati overiamın mikoveziba, o ongarımın dadarımın gigiba. Gumazitam da mengıva avegham.

<sup>13</sup> Ezi gumazir kaba me nighnizir gavgavim Godın ikia ghua me ovengezir dughiamın tu. Ezi dughiar me nguazımın itim, me bizir aghuir God me daningasa akam akıriziba, da inizir pu. Puvati. Egha me tuivigha, mati bizir men saghuiamın

---

**11:10:** Hi 3:4, 13:14, MAA 21:2, 21:10      **11:10:** Hibru 3:4; 13:14; Akar Mogomem 21:2; 21:10      \* **11:10:** Nguibar ekiar kam Jerusalem, a Godın Nguibamin iti. Ni Hibru 12:2in gan egh fogh.      **11:11:** Stt 17:19, 18:11-14, 21:2, Ro 4:21, Hi 10:23      **11:11:** Genesis 17:19; 18:11-14; 21:2; Rom 4:21; Hibru 10:23      **11:12:** Stt 15:5, 22:17, 32:12, Lo 10:22, Ro 4:18-19      **11:12:** Jenesis 15:5; 22:17; 32:12; Godın Araziba 10:22; Rom 4:18-19      **11:13:** Stt 23:4, 1 Sto 29:15, Sng 39:12, 1 Pi 1:17, 2:11      **11:13:** Jenesis 23:4; 1 Eghaghaniba 29:15; Onger Akaba 39:12; 1 Pita 2:11

itibar gari, egha bar akuegha dar gari. Egha aghumsizir puvatigha kamaghin migei, “E nguazir kamın ikia, mati kantrin igharazimın gumamaz-iba, egha iza dughiar otevimin nguazir kamın iti.”

<sup>14</sup> E fo, gumamazir kamaghin migeiba, me guizbangira kamaghin migia ghaze, me uari bagh nguibatam buriam. <sup>15</sup> Egha me nguazir tegha izezir kamra bagha nighnighavira ikia, egha me uam an ghueghai. <sup>16</sup> Egha me uan nguazir ghurim ginighnizir pu. Puvati. Me nguazir igharazir ini-asava amim, a bar deragha nguazir me ataghizim bar a gafira. A Godin Nguibamra. God me bagha nguibar kam akirizi a iti, eghti me an ikiam. Egha gumazir kaba kamaghin God migia ghaze, “Ni en God.” Ezi, God men akar mikemezir kamın aghumsighizir puvati.

<sup>17-18</sup> Ezi God kamaghin Abraham ko akam akira ghaze, “Aisakrama nin ovavir boriba otivam.” Egha dughiar God Abrahamin nighnizir gavgavim tuisighamimin, a kamaghin Abraham migei, “Ni uan otarir vamira misueghiva egh ofan min a isi God daningigh.” Ezi Abraham nighnizir gavgavim Godin ikia, egha Aisak isa God daningasava ami. <sup>19</sup> Abraham kamaghin nighnisi, “Aisak are-meghti, God uam a damighti a ua dikavigham.” Ezi bar guizbangira, e bizir otozir kam, akar isin zuimin kamaghin a mikimam, Abraham Aisak ua mozimın a inis.

---

**11:16:** Kis 3:6, 3:15, Mk 12:26, Ap 7:32, Fl 3:20, Hi 13:14     **11:16:** Ua Me Ini 3:6; 3:15; Mak 12:26; Aposel 7:32; Filipai 3:20; Hibru 13:14

**11:17-18:** Stt 21:12, 22:1-14, Ro 9:7, Je 2:21-22     **11:17-18:** Jenesis 21:12; 22:1-14; Rom 9:7; Jems 2:21-22     **11:19:** Ro 4:17-21

*Aisak ko Jekop ko Josep nighnizir gavgavim Godin iti*

<sup>20</sup> Kamaghira Aisak nighnizir gavgavim Godin ikia egha Jekop ko Iso ginighnigha akam akira ghaze, God gin izamin dughiabar, deravira gua damuam.

<sup>21</sup> Ezi kamaghira Jekop a nighnizir gavgavim Godin ikia, egha an aremeghasava amir dughiamin, a Josepin otarimning migia ghaze, God deravira gua damu. Egha a uan fidizir zurara suiagha aruim gisin aviragha Godin ziam fe.

<sup>22</sup> Ezi kamaghira Josep nighnizir gavgavim God ikia, egha dughiar an ovengamimin a kamaghin migia ghaze, Israelia gin kantri Isip ategh mangam. Egha me migia ghaze, me manmaghin an kuam damuam.

*Moses nighnizir gavgavim Godin iti*

<sup>23</sup> Ezi Mosesin afeziam ko amebam aning nighnizir gavgavim Godin ikia, egha dughiar amebam Moses batezimin, aning an garima a borir bar dirim. Aning atrivimin akam batoghan ati-atingizir puvati, kamaghin amizi, aning iakinir 3plan a modo.

<sup>24</sup> Ezi kamaghira Moses nighnizir gavgavim Godin ikia, egha dughiar a gumazimin otozimin, me kamaghin a diponan an aghua, Isipin Atrivimin guivimin borim. Puvati. <sup>25</sup> A kamaghin nighnisi, a dughiar otevimin agorogem bagh

**11:20:** Stt 27:27-29, 27:39-40      **11:20:** Jenesis 27:27-29; 27:39-40

**11:21:** Stt 47:31-48:20      **11:22:** Stt 50:24-25, Kis 13:19      **11:22:**

Jenesis 50:24-25; Ua Me Ini 13:19      **11:23:** Kis 1:22, 2:2, Ap 7:20

**11:23:** Ua Me Ini 1:22; 2:2; Aposel 7:20      **11:24:** Kis 2:10-12

**11:24:** Ua Me Ini 2:10-12

arazir kurabar arazimin gin mangan aghua. Egha a Godin gumazamiziba ko, osimtiziba ko mizaziba iniasa ifonge. <sup>26</sup> A ghaze, a Kraiss, God Ua E Iniasa Misevezir Gumazimin ziam bangin, me paza a damuti an aghumsizim iniam. Bizir kam a bar bizir ekiam, egha a Isipin dagiaba ko kurukaziba ko biziba bar dagh afira. Egha a ivezir aghuir God gin a daningamim ginighnighavira ikia, egha a tughavavafi.<sup>†</sup>

<sup>27</sup> Egha Moses nighnzir gavgavim Godin ikia egha a dikavigha Isip ataki. Isipin atrivim an aningaghe, ezi an atrivir kam in atiatir puvati. Guizbangira, e gumazamiziba uan damazibar Godin garir puvati. Ezi arazir kamra Moses a gami, mati a uan damazimningin Godin gani, egha a bar gavgavigha iti. <sup>28</sup> Ezi Enselin Ovevem Inigha Izim, otarir ivariabav soghasava ami, ezi Moses Enselin arazir kam apirasa, Israelia akam me ganiga ghaze, me sipsipin ghuzim isi uan tiar akaba bar ada aghefegh. Dughiar kam in Moses

---

**11:26:** Hi 10:34-35, 13:13      **11:26:** Hibru 10:34-35; 13:13  
<sup>†</sup> **11:26:** Migirigiar otevir kam, "Krais," an mingarim kamakin, "Gumazir God Ua E Iniasa Misevezir Gumazim." Ezi gumazir Hibrun Akinafarim osirizim a nighnzir pumuning ikia ofa an osiri. An nighnzir farazim kamakin, Israelin gumazamiziba bar God uabi ua bagha me ginaba. A ghaze, Moses aghumsizim ini, egha Godin ingangarim damu, egh Israelian akurvagh, God gumazamizir kaba me amisevezi, me Kraissin min iti. Ezi an nighnzir mam ua kamakin, Guizbangira Mosesin dughiamin, Kraiss Jesus otazir puvati. Ezi Moses amizir ingangarir kam, mati a Kraissin ziamrama aghumsizim ini.      **11:27:** Kis 2:15, 10:28-29, 12:37, 12:51, 14:13, Ro 1:20, 1 Ti 1:17, Hi 11:1, 11:13      **11:27:** Ua Me Ini 2:15; 10:28-29; 12:37; 12:51; 14:13; Rom 1:20; 1 Timoti 1:17; Hibru 11:1      **11:28:** Kis 12:21-30      **11:28:** Ua Me Ini 12:21-30

nighnizir gavgavim Godin ikia, egha arazir kam me ganingi, ezi tuavir kamın God Israelia Gitazir Dughiamın Isar Ekiam gamizi, an oto.

*Israelin aviriba, me pamten nighnizir gavgavim Godin iti*

<sup>29</sup> Ezi Israelia me nighnizir gavgavim Godin ikia, egha me Ongarir Aghevım abigha a giregha mati me nguazir misingizimın zui. Ezi Isipba men gin zuima dipam me avarazi me dipam amegha ariaghire.

<sup>30</sup> Ezi Israelia me nighnizir gavgavim Godin ikiava, egha me 7plan aruebar Jerikon nguibamın dagiar divazir ekiamın azenan a gighuagha arui. Ezi divazim bar akaraghire.

<sup>31</sup> Ezi gumaziba isava akuir amizir mam, an ziam Rahap, a nighnizir gavgavim Godin ikia, egha gumazir moga garir pumuningin akuragha aning inigha uan dipenimın ghu. Kamaghın amizi, God gumazamizir an akam batogheziba me soghezi, a me ko aremezir puvati.

<sup>32</sup> Ki nighnizir gavgavimın eghaghanir aviriba ia mikemegha gifa, egh datirighın akar manam uam an gun ia mikimam? Ki ti Gideon, Barak, Samson, Jepta, Devit, Samuel ko Godin akam nigha izir gumazibar eghaghanibar

---

**11:29:** Kis 14:21-31    **11:29:** Ua Me Ini 14:21-31    **11:30:** Jos 6:12-21    **11:30:** Josua 6:12-21    **11:31:** Jos 2:1-21, 6:22-25, Je 2:25

**11:31:** Josua 2:1-21; 6:22-25; Jems 2:25    **11:32:** Het 4:6-5:31, 6:11-8:32, 11:1-12:7, 13:2-16:31, 1 Sml 1:1-1 Kin 2:11    **11:32:** Gumazir Dapaniba 4:6--5:31; Gumazir Dapaniba 6:11--8:32; Gumazir Dapaniba 11:1--12:7; Gumazir Dapaniba 13:2--16:31; 1 Samuel 1:1--31:13

amuamin dughiaa puvati. <sup>33</sup> Gumazir kaba me nighnizir gavgavim Godin ikia, egha me Kantrin Igharazibar Gumamaziziba ko misogha bar men midorozir gumaziba dikabini. Me arazir aghuim gamua, egha me bizir God me daningasa akam akiriziba ini. Egha me laionbar akaba dukumi. <sup>34</sup> Egha me avir dafabagh amizi da mungue. Ezi midorozir sababa itir gumaziba me misoghasava amima, me men are. Egha me gavgavir ekiaba puvatigha, gin me gavgavim ini. Egha me midorozir gumazir gavgavibar otivigha, igharaz darazir modorozir gumazibar agintigha me misogha me abini. <sup>35</sup> Ezi gumazir ariaghirezir maba, me ua dikafi, ezi men amiziba ua me ini. Ezi apaniba gumazir maba kalabus gatigha, men mikarziabagh asighasigha ghuav iti, me ariaghire. Men apaniba ghaze, me akirim ragh God gasaragham, eghti me me ateghti me mangam. Ezi me uan apanibar akaba batoke. Me ghaze, me aremegh, ua mozimn dikavigh ikirimirir aghuim iniam. Eghti ikirimirir igiar kam bar deragh nguazir kamn ikirimirim bar a gafiragham. Kamaghin amizi, apaniba me misoghezi, me ariaghire. <sup>36</sup> Ezi apaniba marazi osimtiziba me garigha dibovir akabar me migia,

---

**11:33:** Het 14:5-6, 1 Sml 17:34-35, 2 Sml 7:11, Dan 6:1-27    **11:33:** Gumazir Dapaniba 14:5-6; 1 Samuel 17:34-35; 2 Samuel 7:11; Daniel 6:1-27    **11:34:** Het 15:8, 15:15, 1 Kin 19:3, 2 Kin 20:7, Dan 3:1-30    **11:34:** Gumazir Dapaniba 15:8; 15:15; 1 Atriviba 19:3; 2 Atriviba 20:7; Daniel 3:1-30    **11:35:** 1 Kin 17:17-24, 2 Kin 4:25-37, Ap 22:25    **11:35:** 1 Atriviba 17:17-24; 2 Atriviba 4:25-37    **11:36:** 1 Kin 22:26-27, 2 Sto 18:25-26, Jer 20:2, 37:15, 38:6    **11:36:** 1 Atriviba 22:26-27; 2 Eghaghaniba 18:25-26; Jeremaia 20:2; 37:15; 38:6

me fozorogha senbar me ikia, me isa kalabusin me ariki. <sup>37</sup> Apaniba dagiabar marazigh inifi. Ezi marasi, apaniba soba inigha men namnaba abizi me akuabagh iri. Marazi, apaniba midorozir sababar me misozima me ariaghiri. Ezi gumazir nighnzir gavgavim itir maba, me sipsipin iniba ko memen iniba, me inibar min da ikegha zui. Egha me onganarazibagh amua ikia biziba bar puvati. Ezi gumaziba osimtiziba ko mizaziba me ganiga paza me gami. <sup>38</sup> Nighnzir gavgavimin itir gumazir kaba, men araziba bar dera, ezi nguazir kamın gumaziba arazir aghuibar me damuan firin, me men ikufi. Kamaghın amizi, me tintinibar ghua, gumazamiziba puvatizir danganiba ko mighsiabar puram arua, egha dagiar toriba ko nguazimin aven itir mozibar aven iti.

<sup>39</sup> Gumazamizir kaba bar, nighnzir gavgavim Godin iti, egha ziar aghuiba Godin damazimin da ini. Egha me nguazimin itir dughiamin, me bizir aghuir God me daningasa akam akiriziba me da inizir puvati. <sup>40</sup> Me tizim bagha da inizir puvati? God fomira bizir bar aghuim e bagha anekirizi a ikia bizir faragha itiba bar dagh afira. God kamaghın nighnigha ghaze, gumazamizir faragha itir kaba deragh otogh en faragh mangan an aghua. Puvati. E me ko uari inigh deravira ikiasa, a ifonge.

---

**11:37:** 1 Kin 21:13, 2 Kin 1:8, 2 Sto 24:21, Ap 7:58, 14:19      **11:37:**  
 1 Atriviba 21:13; 2 Atriviba 1:8; 2 Eghaghaniba 24:21; Aposel 7:58;  
 14:19      **11:38:** 1 Kin 18:4, 19:9      **11:38:** 1 Atriviba 18:4; 19:9  
**11:40:** Hi 5:9, 7:22, 8:6, MAA 6:11      **11:40:** Hibru 5:9; 7:22; 8:6;  
 Akar Mogomem 6:11



## 12

*E Iesusin ganiva, egh nighnizir gavgavimın an ikiam*

<sup>1</sup> Ezi gumazamizir fomıra itiba, me ghuariamın mın e okarigha tuivaghav ikia, egha nighnizir gavgavimın arazim en akakasi. Kamaghın amizi, bizir en tuaviba pirima e uan ivemarim deragha a gamir puvatiziba, ko arazir kurar en suiziba, e bar ada ataghıragham. Egh e naviba gavgavigh egh e ivemarir ekiar God e bagha atizir kamın ivemaram. <sup>2</sup> E Iesusra ganam, an en nighnizir gavgavimın mınгарim, egh an en nighnizir gavgavim damighti, a gın deraghviram otogham. Iesus fo, a bar deravıra Godın akamın gın mangi egh a gın bar deravıra ikıva bar akuegh mamaghıra ikiam. Egha a bizir kam gınighnigha gavgavigha ikia osımtıziba atera ter ighuvimın ovenge. Gumazamiziba kamaghın nighnigha ghaze, gumazir ter ighuvimın ovengezim, a bar gumazir arazir kurabagh amim, egha aghumsızir ekiam isi. Ezi Iesus aghumsızim gınighnizir puvatigha, egha areme. Egha datırighın a Godın agharir guvimın atrivir dabirabimın aperaghav iti.

*God e akırmighasa osımtıziba e ganıdi*

<sup>3</sup> Ia bar deraghvıra Iesus gınighnigh. Gumazir arazir kurabagh amiba fomıra bar puvıra Iesusın apanim gami. Ezi a bar tugha gavgafi. Ia bizir

---

**12:1:** Ro 7:21, 12:12, 1 Ko 9:24-25, Fl 3:13-14, Hi 10:36, 1 Pi 2:1

**12:1:** Rom 7:21; 12:12; 1 Korin 9:24-25; Filipai 3:13-14; Hibru 10:36; 1 Pita 2:1    **12:2:** Fl 2:8, Hi 1:3, 1:13, 1 Pi 1:11, 3:22    **12:2:** Filipai 2:8; Hibru 1:3; 1:13; 1 Pita 1:11; 3:22    **12:3:** Jo 15:20, Ga 6:9

**12:3:** Jon 15:20; Galesia 6:9

kam giniǵniǵh egh tugh gavgavighsi amirvagħan marki, egh uan niǵniǵzir gavgavim ataghiraǵħan marki. <sup>4</sup> Guizbangira, ia arazir kuram abinasa midorozim gami, ezi midorozir kamın ian tav ovegha ghuzitam irezir puvati. <sup>5-6</sup> God gavgavim ian navibar aningasa, ia ganingizir migirigiaba, ia ti da bakiniǵniǵhiz, o? A ia dibora ghaze, ia an boribara, egha ghaze:

“Nan boriba, ia fo,  
 gumazamizir Ekiam ifongeziba  
 a me akirmisi.  
 A gumazitam inigh uan borimın min a  
 diponiva,  
 egh uaghan a fozorogħam.  
 Kamaghın amizi, Ekiam ni akirsi bizitam ni  
 damighti,  
 ni kamaghın niǵniǵħan marki,  
 kar pura bizim.  
 Egh ni uaghan osiman marki.”

<sup>7</sup> Ia tuivigh gavgavigh, egh Godın amamangatighti a ia akirmigh. Osimtızim ia batogħti ia kamaghın fogħ, mati afeziam uan boribagh amir arazimra, God uaghan ia gami. Borir manatam itima an afeziam ti anekirimizir pu? Puvati. <sup>8</sup> God uan boriba bar da akirmisi. A ia akirmighan

---

**12:4:** 1 Ko 10:13, Hi 10:32-34    **12:4:** 1 Korin 10:13    **12:5-6:** Jop 5:17, Snd 3:11-12    **12:5-6:** Jop 5:17; Onger Akaba 94:12; Aghuzir Akaba 3:11-12; Jems 1:12; Akar Mogomem 3:19    **12:7:** Lo 8:5, 2 Sml 7:14, Snd 13:24, 23:13    **12:7:** Godın Araziba 8:5; 2 Samuel 7:14; Aghuzir Akaba 13:24; 23:13    **12:8:** Sng 73:15, 1 Pi 5:9

koghti, ia fogh, ia guizbangirama an boriba puvati. Ia pura tuavimîn otivizir boriba. <sup>9</sup> Ia bizir kam ginighnigh, en afeziar nguazimîn itiba, e akirmizima e men ziaba fe. Kamaghîn amizi, en duabar Afeziam, e bar guizbangira an apengan ikiva egh angamira ikivira ikiam. <sup>10</sup> En afeziar nguazimîn itiba, dughiar bar otevirar me ifongezî moghîn en araziba akirmisi. Ezi God kamaghîn nighnisi, e guizîn an damazimîn zueghavira itir arazimra inigh an miraram otogham. Kamaghîn amizi, an en akurvaghasa e akirmisi. <sup>11</sup> Afeziam e akirmighasa osimtizim e ganingizi, e ghaze, osimtizir kam bar e itarazima e ikia bar akongezir puvati. Egha en navir averiaba bar oseme. Eghti an e akirigh givaghti, dagher aghuir en otivamibara kara: e Godîn damazimîn arazir aghuibara damuam, eghti en navir averiaba amiragh ikiam.

*E tuivigh gavgavighsi aghariba kinkinam*

<sup>12</sup> Eghti ian aghariba gavgaviba puvatigh egh amiragh ikiti, ia da fegh ingangarim damu. Eghti ian sueba aremegh pura ikiti, <sup>13</sup> ia da inigh tuavir aghuimîn daruvira iki. Ia kamaghîn damuti ian sueba bar ikuvighan kogham. Puvati, da ua deragham.

<sup>14</sup> Ia, gumazamiziba bar me ko, dabirabir

---

**12:9:** Sav 12:7, Ais 42:5    **12:9:** Fofozir Gumazim 12:7; Aisaia 42:5    **12:10:** Wkp 11:44, 1 Pi 1:15-16    **12:10:** Ofa Gami 11:44; 1 Pita 1:15-16    **12:11:** Je 3:17-18    **12:11:** Jems 3:17-18    **12:12:** Ais 35:2    **12:13:** Snd 4:26, Ga 6:1    **12:13:** Aghuzir Akaba 4:26; Galesia 6:1    **12:14:** Sng 34:14, Ro 12:18, 2 Ko 7:1, Ef 5:5, 2 Ti 2:22  
**12:14:** Onger Akaba 34:14; Rom 12:18; 2 Korin 7:1; Efesus 5:5; 2 Timoti 2:22

aghuim damuva, navir amirizimin arazim baghiva mighighvira ingar aghariba kinkin. Egh ia uari isi God daningisi, Godin damazimin zuezir arazim bagh mighighvira ingar. Gumazir Godin damazimin zuezir araziba puvatizim, an Ekiamin ganan kogham. <sup>15</sup> Ia bar deraghvira uari bagh gan, ian tav irigh egh ua Godin apangkuvir kam ataghiraghan marki. Eghti ian tav ua temer ovizir misozimin min otogh osimtiziba Kraisin adarazir aningan marki. <sup>16</sup> Egh ian tav poroghamiba uari bakia uari ko akuir arazim damuan marki. Egh tav Iso fomira amizi moghin, akirim ragh God gasan marki. An Aisakin otarir ivariam, egh bizir aghuir aviriba iniam firin, a dagher otevir vamira bagha pura uan bizir aghuiba bar da isa uan dozimin agharim gati. <sup>17</sup> Ia fo, a gin uamategha uan afeziamin bizir aghuir kaba iniasa migei. Ezi God ghaze, puvati. Iso bizir aghuiba iniasa zurarama aziava, egha a navim gighan tuaviba puvati.

*E Godin Nguibamin itir Jerusalem otogha gifa*

<sup>18</sup> Ia uan dafaribar suighamin biziba ia da bativizir puvati, mati Israelia fomirama ami. Me iza Sainain Mighsiamin boroghin ikia, egha maburan avim ko mitarmer bar pizimin gara aminir bar gavgavim ko, <sup>19</sup> sigham in ararem baragha gumazir mam in tiarim barasi. Gumazamiziba

---

**12:15:** Lo 29:18, Ap 8:23, 2 Ko 6:1, Ga 5:4, Hi 3:12      **12:15:** Godin Araziba 29:18; Aposel 8:23; 2 Korin 6:1; Galesia 5:4; Hibru 3:12      **12:16:** Stt 25:29-34      **12:16:** Jenesis 25:29-34      **12:17:** Stt 27:30-40      **12:17:** Jenesis 27:30-40      **12:18:** Ro 6:14, 2 Ti 1:7      **12:18:** Ua Me Ini 19:16-22; 20:18-21; Godin Araziba 4:11-12; 5:22-27

tiarir kam baragha bar atiatigha kamaghin Moses migei, “E uam oraghan aghua.” <sup>20</sup> Ia fo, God Akar Gavgavim me ganingizi, me bar an atiatigha a baraghan aghua. Akar kam kamaghin migei, “Gumazitam o asizitam mighsiar kamın mangi puram an suiragham, eghti ia dagiaba isi a ginivightima an aremegh.” <sup>21</sup> Ezi bizir me ganizir kam me bar an atiatingi, ezi Moses uaghan atiatigha ghaze, “Ki uaghan bar atiatigha egha puvira nisi.”

<sup>22</sup> Ia bizir kamaghin garitam batozir pu. Puvati. Ia Saionin Mighsiam ko Godin zurara itimin nguibar ekiamin otogha gifa, kar Jerusalemın nguibar Godin Nguibamin itim. Egha ia tausen tausenpla enselba batifi, me uari akuvagha bar akuegha iti. <sup>23</sup> Ia Godin borir ivariabar iviriar ekiam batogha gifa, kar Godin Nguibamin itir Akinafarimin ziaba osirigha givazir darasi. Ia Godin kam batogha gifa, a gumazamiziba bar men araziba tuisighamin Jas. Ia, gumazir fomira Godin damazimin bar deragha egha aremegha,

---

**12:20:** Kis 19:12-13    **12:20:** Ua Me Ini 19:12-13    **12:21:** Kis 19:16, Lo 9:19    **12:21:** Ua Me Ini 19:16; Godin Araziba 9:19

**12:22:** Sng 68:17, Ga 4:26, Fl 3:20, MAA 5:11, 21:2, 21:10    **12:22:** Onger Akaba 68:17; Galesia 4:26; Filipai 3:20; Akar Mogomem 5:11; 21:2; 21:10    **12:23:** Lu 10:20, Fl 4:3, Hi 11:40, MAA 13:8, 14:4

**12:23:** Luk 10:20; Filipai 4:3; Hibru 11:40; Akar Mogomem 13:8; 14:4

deravıram otiviziba, ia men duaba batifi.\* 24  
 Ia Iesusra bato, an abuir gumazir God ko en  
 tighın itim, egha Akar Dikirızir Gavgavir Igiam  
 gami. Egha ia Iesusın ghuzimın otifi, a fomıra  
 Akar Dikirızir Gavgavir Igiar kam gavgavim a  
 danıngasa a kavkını. Ezi ghuzir kamra akar  
 aghuim e mikiri, fomıra Abelın ghuzim akam aku-  
 nizi moghın an amir Puvati. Iesusın ghuzim akar  
 bar aghuim akuri, ezi akar kam Abelın ghuzimın  
 akam gafira.

*E deraghvıra uari bagh ganam*

25 Ia deraghvıra gan, egh ia uan kuaribav  
 kumigh Gumazir Migeimın akam baraghan  
 aghuaghan marki. Fomıra nguazir kamın God  
 Akar Gavgavim gumazamizibagh anıngi. Ezi  
 me an akam baraghan aghua, egha gın me uan  
 arazir kurabar ivezir kuram gitazir puvati. God  
 datırighın uan Nguibamın ikia egha akar bar  
 gavgavim e ganıngi. E akirim ragh a gasaragh egh  
 e uan arazir kuramın ivezir kuram gitavıragham,  
 o? Bar puvati. 26 Fomıra itir dughiamın, Godın

\* **12:23:** E fo, Iesus, a Godın borir ivariam. Nı Hibru 1:6ın gan. Gumazir Hibrun akınafarim osirizim, dughiar avıribar kamaghın mıgia ghaze, God bizir aghuiba uan borir ivariabar anıngasa. Nı Hibru 6:12 ko 9:15ın gan. Judabar arazim kamakın, borir ivariabara uan afeziamın bizir avırıba isi. Nı Hibru 12:16ın gan. Akınafarir kam osirizir gumazim kamaghın mıgia ghaze, God bizir aghuiba uan gumazamizibagh anıngasa egha me dibora ghaze, “Me Godın borir ivariaba.” **12:24:** Stt 4:10, Hi 8:6, 10:22, 11:4, 1 Pi 1:2

**12:24:** Jenesis 4:10; Hibru 8:6; 10:22; 11:4; 1 Pita 1:2 **12:25:** Kis 20:22, Hi 2:1-3, 3:17, 10:26-29 **12:25:** Ua Me Ini 20:22; Hibru 2:1-3; 3:17; 10:26-29 **12:26:** Kis 19:18, Sng 68:8, Hag 2:6 **12:26:** Ua Me Ini 19:18; Onger Akaba 68:8; Hagai 2:6

akam nguazim gamizi mikimkizim an oto. Ezi datirighin a kamaghin akar dikirizim e ganigha ghaze, “Ki ua nguazim damighti mikimkizim an otogham, eghti nguazimra puvati, ki nguazim ko overiam uaghara kamaghiram aning damigham.”

<sup>27</sup> God dughiatam uam a damuasa mikeme, kamaghin e fo, God nguazim ko overiam ginobaghti mikimkizim aning batoghtima, bizir a ingariziba ua ikian kogham. Eghti bizir akongan koghamiba, darara ikivira ikiam.

<sup>28-29</sup> Bizibagh Ativamin Danganir e inizir kam, an akongan kogham. Kamaghin amizi, e danganir kam bagh a minabagham. E fo, en God mati avir puvira bizibagh asighasizim. Kamaghin amizi, e an atiatingiva an apengan iki, egh a minabiva a uabi ifongezir arazimin gin mangi an ziam fam.

## 13

### *E vaghvagh igharaz darazigh ifuegham*

<sup>1</sup> Ia Kraisin adarasi, ia vaghvagh uarigh ifongegh mamaghira iki, mati ia uan adarazigh ifongezi mokin. <sup>2</sup> Nguibar igharazibar gumaziba ian bighan izamin dughiabar, ia me inigh uan dipenibar mangisi okinighnighan marki. Ia fo, fomira gumazamizir maba ghaze, me gumazir

---

**12:27:** Sng 102:26, Mt 24:35, 2 Pi 3:10, MAA 21:1      **12:27:** Onger Akaba 102:26; Matyu 24:35; 2 Pita 3:10; Akar Mogomem 21:1

**12:28-29:** Godin Araziba 4:24; 9:3; Onger Akaba 50:3; Aisaia 33:14; Hibru 10:27      **13:1:** Jo 13:34, 1 Te 4:9, 1 Pi 1:22, 2 Pi 1:7, 1 Jo 3:11, 4:7, 4:20      **13:1:** Jon 13:34; 1 Tesalonika 4:9; 1 Pita 1:22; 2 Pita 1:7; 1 Jon 3:11; 4:7; 4:20      **13:2:** Stt 18:1-8, 19:1-3, Mt 25:35, Ro 12:13, 1 Ti 3:2, 1 Pi 4:9      **13:2:** Jenesis 18:1-8; 19:1-3; Matyu 25:35; Rom 12:13; 1 Timoti 3:2; 1 Pita 4:9

kiniba isa uan dipenibar ghua egha men gari. Ezi gumazir me inigha izir kaba, me enselba. Me ghaze, me guizin gumazibar gari, ezi puvati, me enselbara gari. <sup>3</sup> Ia Godin gumazamizir kalabusin itibagh nighnigh, mati ia me ko kalabusin iti. Egh ia uaghan gumazir men apaniba paza me gamizibagh nighnigh. Ia fo, ia nguazir kamın ikiavira iti, ezi apaniba uaghan ti arazir kamra ia damuam.

<sup>4</sup> Ia bar kamaghın fogh, gumazim ko amizim uaningın ikia poroghamimningın otozir arazim, a bizir bar aghuim, egha Godin damazimın dera. Ezi ia poroghamiba bar deravira uan arazibar gan. Eghti God gin ivezir kuram isi, gumazamizir uari bakiava akuiba ko afiar arazibagh amir gumazamizibar anıngam.

<sup>5</sup> Ia dagiar aviriba ikisi ifueghan marki. Ia kamaghın nighnigh, bizir ia itiba, da ian tughatizir puvati. Ia fo, God kamaghın e mikemegha gıfa:

“Ki ia ateghti

    bizitam paza ia damuan kogham.

    Bar puvati.

    Guizbangira, ki ia ateghan kogham.”

---

**13:3:** Mt 25:36, Ro 12:15, 1 Ko 12:26, Kl 4:18, Hi 10:34, 1 Pi 3:8

**13:3:** Matyu 25:36; Rom 12:15; 1 Korin 12:26; Kolosi 4:18; Hibru 10:34; 1 Pita 3:8     **13:4:** 1 Ko 6:9, Ga 5:19-21, Ef 5:5, Kl 3:5-6, MAA 22:15

**13:4:** 1 Korin 6:9; Galesia 5:19-21; Efesus 5:5; Kolosi 3:5-6; Akar Mogomem 22:15     **13:5:** Lo 31:6-8, Jos 1:5, Mt 6:25, 6:34, Fl 4:11-12, 1 Ti 6:8

**13:5:** Godin Araziba 31:6-8; Josua 1:5; Matyu 6:25; 6:34; Filipai 4:11-12; 1 Timoti 6:8



<sup>6</sup> Kamaghin amizi, e gavgavim uan navibar aning egh mikim suam:

“Ekiam nan Akurvazir Gumazim,  
na ko itima  
ki atiatir puvati.

Ki fo,  
gumazamiziba arazitamin na damighan kogham.”

*E Iesusin gin mangisi aghumsighan kogham*

<sup>7</sup> Ia uan siosin gumazamizir dapanibagh nighnigh, me fomira Godin akamin gun ia mikeme. Ia men arazir aghuiba ko men ovevem ginighnigh. Egh men nighnizir gavgavimin arazim, ia uaghan an gin mangi. <sup>8</sup> Kraisi Iesusin arazim, a fomira kamaghira ikia datirighin ikia, egh a gin zurara kamaghira ikiam. <sup>9</sup> Ia Akar Aghuimin min zuir puvatizir akar igharaziba ateghti, da ian nighnizibagh asighasighti, ia Godin gin zuir tuavir aghuim ataghiraghan marki. Kamaghin amizi, e Godin apangkuvim amamangatighti a gavgavim en navir averiabar aningam. Dagheba apir arazim gavgavim en navir averiabar aningan kogham. Arazir kam, gumazamizibar darorimin akurvazir puvati.

<sup>10</sup> Ezi e Godin ofa gamir dakozir mam iti. Ezi Judabar Purirpenimin aven ofa gamizir

---

**13:6:** Sng 118:6    **13:6:** Onger Akaba 118:6    **13:7:** 1 Ko 4:16, Hi 6:12    **13:7:** 1 Korin 4:16; Hibru 6:12    **13:8:** Jo 8:58, Ef 4:14, Hi 1:12, MAA 1:4    **13:8:** Jon 8:58; Efesus 4:14; Hibru 1:12; Akar Mogomem 1:4    **13:9:** Ro 14:17, Ef 4:14, Kl 2:4, 2:8, 2:16, 1 Ti 4:3    **13:9:** Rom 14:17; Efesus 4:14; Kolosi 2:8; 2:16; 1 Timoti 4:3    **13:10:** 1 Ko 9:13, 10:18    **13:10:** 1 Korin 9:13; 10:18

gumaziba, God men anogoroghezima, me ofa gamir dakozir kamın daghebar aman kogham.

<sup>11</sup> Ofa gamir gumazibar dapanim, an asizibar ghuziba inigha Bar Anogoroghezir Danganir kamın aven ghugha, arazir kuraba gın amangasa ofa gami. Egha asizir kabar kuaba inigha gumazamiziba iti naghın azenan ghua saghon da tuema, da isia mighiri. <sup>12</sup> Kamaghira, Iesus uaghan nguibar ekiamın azenan mızazim ini. A ghaze, a uan ghuzimın gumazamizibar amighti me Godın damazimın zuegh egh Godın gumazamizibar otivigham, kamaghın an areme.\*

<sup>13</sup> Kamaghın amizi, e uaghan a bagh nguibamın azenan mangıva, egh a inizir aghumsizim e uaghan a iniam.† <sup>14</sup> E fo, nguazir kamın e zurara

---

**13:11:** Kis 29:14, Wkp 6:30, 16:27, Nam 19:3      **13:11:** Ua Me Ini 29:14; Ofa Gami 6:30; 16:27; Diboboniba 19:3      **13:12:** Mt 21:39, Jo 19:17-18, Ap 7:58      **13:12:** Matyu 21:39; Jon 19:17-18; Aposel 7:58

\* **13:12:** Moses Osirizir Araziba ghaze, gumazamiziba Godın ofa damuasa inigha izir asiziba, ofa gamir gumaziba da api. Me asizir gumazamizibar arazir kuraba gın amangisi, dughiar ekiabar ofa gamiba, me dar aman kogham. Ni Ofa Gami 6:24 ko 24:30 ko 16:27in gan. Datirighın, ofan dughiar ekiar kam, Iesus amizir ofan kam an danganim ini. Ni Hibru 9:7 ko 14in gan.      **13:13:** Hi 11:26, 12:2, 1 Pi 4:14      **13:13:** Hibru 11:26; 12:2; 1 Pita 4:14      † **13:13:** Gumazir maba ti, Kraisin gın zuir darazir amighti, me Moses Osirizir Arazibar aven itir dagheba apir arazimın gın mangasa. (Ni ves 9in gan.) Ezi gumazir Hibrun akinafarim osirizim ghaze, Kraisin gın zuir darasi, Judaba itir nguibabar ikian markiam. Me kamaghın nighnighan marki, Moses Osirizir Araziba me damuti, me Godın damazimın zuegham. Puvati. Iesusin ingangarimrama me zuegha gifa. Kamaghın amizi, me a ko ikisi aghumsighan kogh, anarıra gın mangam.      **13:14:** Mai 2:10, Fl 3:20, Hi 11:10, 11:16, 12:22      **13:14:** Filipai 3:20; Hibru 11:10; 11:16; 12:22

ikiamin nguibar ekiatam itir puvati. Egha e nguibar gin izamim bagha mizua iti. <sup>15</sup> Kamaghin amizi, e Iesusin ingangarimin tuavimin, e zurara ziar ekiam isi ofan min God daning mamaghira ikiam. Eghti en akatoriba zurara an ziam fi suam, a en Ekiam. <sup>16</sup> Egh ia arazir aghuibar gumazamizibar amu. Me bizitabar oteveghti, ia men akurvaghsi bizitaba me daning. Ofan kamaghin gariba, God bar dagh ifonge. Kamaghin amizi, ia arazir kabar amusi okinighnighan marki.

### *God e damuti e deravira ikiam*

<sup>17</sup> Ian gumazir dapaniba ian akurvaghasa zurara ian gari. Egh me gin ingangarir me amizibar gun God ko mikimam. Kamaghin amizi, ia men akaba baragh egh men apengan iki. Ia kamaghin damuti, me bar akuegh uan ingangarim damuam. Ia kamaghin damuan koghti, me osimtizim sara ian ganam, eghti bizir kam ian akuraghan kogham. <sup>18</sup> Ia e bagh God ko mikimvira iki. E kamaghin bar fo, e dughiabar zurara arazir aghuibara amuasa bar ifonge. E uan araziba bar deravira da tuisigha arazir aghuibar gin ghua egha en navir averiaba osimtiziba Godin damazimin puvati. <sup>19</sup> Ki mighira ia gakaghoru, ia

---

**13:15:** 2 Sto 29:31, Sng 50:14, 50:23, 69:30-31, Hos 14:2, 1 Pi 2:5

**13:15:** 2 Eghaghaniba 29:31; Onger Akaba 50:14; 50:23; 69:30-31; Hosea 14:2; 1 Pita 2:5 **13:16:** Ro 12:13, Fl 4:18, Hi 6:10 **13:16:** Rom 12:13; Filipai 4:18; Hibru 6:10 **13:17:** Ese 3:17, 1 Te 5:12, 1 Ti 5:17 **13:17:** Esekiel 3:17; 1 Tesalonika 5:12; 1 Timoti 5:17

**13:18:** Ap 23:1, 24:16, Ro 15:30, 2 Ko 1:12, Kl 4:3 **13:18:** Aposel 23:1; 24:16; Rom 15:30; 2 Korin 1:12; Kolosi 4:3

na bagh God ko mikim suam, a nan akuragh na amadaghti ki zuamira ia bagh izam.

<sup>20</sup> Ki ia bagha God ko migei, Godin Navir Amirizimin Mingarim, a en Ekiam Iesus ovevem in a gamizi a ua dikafi. Iesus, Sipsipbar Garir Gumazir Gavgavim Itim, a uabi ofan min aremegha uan ghuzimin Akar Dikirizir Gavgavir kam, gavgavim a ganingi, eghti a iki mamaghira ikiam. <sup>21</sup> Ezi ki ia bagha Godin kam ko migia kamaghin an azangsi, eghti a ian akuragh gavgavim ia daningti, ia arazir aghuibar amu, egh an ifongiamin gin mangam. Eghti Kraisi Iesusin ingan garimin tuavimin, an en navir averiabar aven ingarti, e a ifongezir arazibar amuam. Egh e zurazurara ziar ekiam a daning mamaghira ikiam. Bar guizbangira.

### *Akar abuananaba*

<sup>22</sup> Nan adarasi, akar ki ia bagha osirizir kam, a ruarazir puvati. Kamaghin amizi, ia nimira iki, egh akar ki gavgavim ian navibar aningasa osirizir kam, ia deraviram a baragh. <sup>23</sup> Ki kamaghin ia mikimasa ifonge, me kalabusin en aveghbuam Timoti firizi, a ua kalabusin itir puvati. A zuamira na bagh izeghiva, ga uaghara mangi ian ganam.

<sup>24</sup> Ia uan gumazir dapaniba ko Godin gumazamiziba bar me mikim suam, ki ghaze, God deraghvira me damu. Ezi Kantri Italin itir Kraisin

---

**13:20:** Ais 55:3, Jer 32:40, Ese 37:26, Sek 9:11, Ro 15:33, 1 Ko 6:14, Hi 10:29, 1 Pi 2:25    **13:20:** Aisaia 55:3; Jeremaia 32:40; Esekiel 37:26; Sekaraia 9:11; Rom 15:33; 1 Korin 6:14; 1 Pita 2:25    **13:21:** Ga 1:5, Fl 2:13, 2 Te 2:17, 1 Pi 5:10    **13:21:** Galesia 1:5; Filipai 2:13; 2 Tesalonika 2:17; 1 Pita 5:10

adarazi uaghan ia bagha akam amaga ghaze, God deraghvira ia damu.

<sup>25</sup> Ki kamaghin God ko migia ghaze, Godin apangkuvim a bar moghira ia ko iki.

**Godin Eghaghanim: Akar Gavgavir Dikirizir  
Ghurim ko Igiam**

**The Holy Bible in the Aruamu language of Madang  
Province, Papua New Guinea, 2020 Edition  
Buk Baibel long tokples Aruamu long Madang Provins  
long Niugini long 2020**

copyright © 2020 Pioneer Bible Translators

Language: Aruamu

Translation by: Pioneer Bible Translators

Contributor: The Seed Company

GOD'S STORY in the Aruamu Language of Papua New Guinea

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-06-21

---

PDF generated using Haiola and XeLaTeX on 21 Feb 2024 from source files dated 29 Jan 2022

8f6beb37-6783-55d5-91ed-8321cc3f5eea